



瑶華集卷二十

大酺 七首

浪淘沙慢 二首

瑞龍吟 三首

西平樂 一首

多麗 八首

玉女搖仙佩 六首

玉抱肚 一首

多麗 四首
聶冠卿體

輪臺子 一首

箇儂 三首

夜半樂 一首

六州歌頭 七首

小諾臯 一首

寶鼎現 一首

三臺 一首

拋毬樂 一首

哨遍 各體
四首

戚氏 一首



鶯啼序

四首

豐樂樓

一首

添字鶯啼序

一首

大酺

金陵懷古和秋岳韻

熊文舉

一片清淮波中月迢遞鍾山何處飛煙迷燕幕有呢喃
百轉差池似舞桂子三秋荷花十里曾憶當年事否臨
春高樓曲奈美人塵土晚潮流去况雨汎糟丘風喧歌
管淚乾絲絮飄零如逆旅看魂夢千里隨煙渡寧知
道花晨月夕地角天涯任鳥啼有誰回顧算幾分春色
煩問取怎生畱住恨芳草斜陽路青山相憶見說高門
如故鮑照蕪城欲賦

前題

龔鼎孳

柳色如煙鳥啼月江左瑯琊何處高樓紅樹裏有銀箏
紈扇與花相妬六代鶯聲三山草色曾記游人來否芳
袖隨雲散悔東華走馬此行原誤更風滿敗梧日斜橫
笛燕穿飛絮包胥無一旅看公等歌舞誇南渡爲問
取夷吾往矣祖逖何如繡芙蓉那能頻顧夢逐江流去
還懊惱數峰遮住料難到家山路菱花憐我蕭索長卿
非故倩誰百斤買賦

無題

洪昇

羨杏花飛楊花舞閒繞珠簾瑤席。画羅歌扇底見朱唇
粉面春醪同色。醉月鴛鴦夢雲鸚鵡都似東風無力。中
筵停羯鼓奈暗裏關心貂裘淚溼。任玉樹庭前零亂裙
腰沒殘苔迹。沉沉銀漏滴。早忘却新露塗堦白。猛拚
取徵歌百隊澆酒千觴。莫相疑季倫梓澤。還笑江潭客
鎮憔悴獨醒何益。一片月光如雪。鷓鴣啼罷又是數聲
橫笛。此懷怕人知得。

初夏齋居

田茂遇

對竹風涼松煙溼。最喜蕭齋無事。北窗高臥起把桃笙
乍捲。苧衫初試。鳩喚重檐蛙鳴兩部。就裏尋常取次。物
情隨處好。總由他入耳。往來遊戲。想天籟鳴餘塵襟洗
後。兩饒淡意。人生偶爾寄。想勞攘紅塵久。何爲早謝
却蜂衙朝會。蟻國兵戈。逍遙歲月。清涼地。身後何須慮。
絳闕下。司花小吏。莫曼倩金門比。桃開桃謝。歲月應無
勞記。看多少閒紅翠。

聽絃索

曹貞吉

正酒船行人聲寂。好月如珪相照。鷓雞初入破響風箏。
刀尺麻姑手爪。銀甲徐調水絲。輕撥啄木丁丁。林鳥空
山無人處。任花開花落。洞天深窅。忽變作玉關千群鐵
馬。平沙衰草。吳儂歌縹緲。歎舊曲誰似臨川好。遮莫

向岐王筵上。崔九堂前。琵琶彈出傷心調。未抵繁絃。巧引蝶翅蜂鬚。縈繞。但羈客青衫老。奈何頻喚頓減中年。懷抱鬢邊。明日白了。

中秋

張淵懿

看晚風。纖鱗雲薄。一片冰輪乍起。樓臺深院。落把真珠。高揭素娥相對。桂影扶疎。桐陰歷亂。蕩漾金波似水。夜闌香燼後。儘清輝皎澈。照人無寐。歎碧海青天。雲鬢霧鬢。這般情味。離懷千萬里。料今夕。同隕關山涕。休更道華燈燭滅。寶鏡塵封。淒涼昏曉。空垂淚。種種傷心事。都迸入寒螿聲裏。轉蕭瑟。如何睡。遣愁不去。推到銀蟾西墜。來宵依舊恁地。

臘八粥同次山賦

蔣景祁

算幾番風。幾番雨。入臘已經八日。芥冰爲糜粥。待齊厨。火暖圍爐。蓐食對景。尋思依稀。此味彷彿家鄉。頗悉。寒渾不管。且酒沾醺。醲菓薦榛栗。漫一笑。年來只須如此。賺人爲客。誰歟。停箸憶便當食。三歎思量及已。料得黃梁春細。白露零殘。寄來許久。遲消息。故園人望斷。想欲付音書幾驛。空撥盡寒灰迹。遮莫忘了北地雪花正積。江南梅已半坼。

浪淘沙慢

金陵懷古

王昊

六朝事風流佳麗猶有人說。面對長江萬疊驚濤日夜。捲雪歎虎踞龍蟠形勝設。經過了幾度興滅。照千古英雄淚痕者清溪渡頭月。淒切荒城。畫角吹徹。弔結綺臨春當年事。惟有蛩語咽。嗟游子停鞍問渡。桃葉煙波乍接。過莫愁湖上。使人愁絕。最不堪蜀魄啼血。臺城外亂鴉廢堞。蔣山側荒丘橫斷碣。隔江聽一曲琵琶怨未歇。多情難與金陵別。

春思

毛先舒

正春早大堤如帶。望裏平直。紅霧瀰漫。深處香車一去無迹。折楊柳垂垂晨露滴。疏雨過岸沙不溼。問春在秋千誰許見。隴隴淡煙隔。堪惜東風轉覺無力。憶九十韶光宜人。眼生怕成浪擲。鎮坐聽新歌。醉弄狂筆。人花一色。又驚回蝶夢。尋香鬢側。六代豪華非疇昔。况一箇羈愁倦客。揔費盡思量。難再得。恁風景都是傷心。怎當得。撲簾飛絮。天將夕。

瑞龍吟

夏景

史惟圓

碧天際喜見晨氣微涼。小窗風細。炎炎紅鏡初開。騎龍駕景。火雲赤帝。簞紋翠。誰與披襟散髮。水邊遊戲。午

陰嘉樹堪娛。搖空梧竹滿庭綠碎。有客初調絃柱。冷
泠山溜。指柔絃脆。洗盡炎談相期。泉石閒意。松風夢醒。
疑是羲皇歲。又還見當樓殘照。林梢斜繫。欲駐年無計。
舊時月榭風亭。深閉螢火。依蘭砌。孤坐久。三更新涼。侵
袂。金波映戶。銀河垂地。

春夜見壁間三絃子感賦

陳維崧

春燈炮。拚取歌板。蛛縈舞衫。塵灑屏間。乍見檀槽與秋
風扇。一般斜挂。簾兒罅。幾度漫將音理。冰絃都啞。可
憐萬斛春愁。十年舊事。慊慊倦寫。記得蛇皮絃子。當
時粧就。許多聲價。曲項微垂。流蘇同心結打。也曾萬里
伴我關山夜。有客向潼關店後。昆陽城下。一曲琵琶者。
月黑楓青。細攏輕砑。此景堪圖畫。今日愴人琴。淚如鉛
瀉。一聲聲。是雨窗閒話。

題贈蝶庵詞

陸棻

旗亭壁。記取叶簇。調賓詞場。佳客幾番。春鳥啼花。聲聲
飛過綠池紅陌。誰堪憶。應有斜陽流水。曉風殘月。溫
柔最。昵花間。鮮華數見。草堂餘帖。還問軒莊。諸老鐵
板粗豪。英雄逋髮。白石玉田。髯翁今許。登席荆谿。一派
乍響滄波濤。分明是將愁芳草。梅溪標格。夢到柴桑宅。
紫茸泉釀。清齋自適。顧影衝塵幘。又小屋蒸人。麥秋先

熱輸他素卷滿懷冰雪。

西平樂

送高澹人侍講扈從 西巡 蔣景祁

瑞玉頒齊旌旗遠幸翠輦有事西巡地折羊腸天窮雁
足草生二月初勻正山削芙蓉千仞水渡滹沱百尺迴
旋疊嶂重關前驅羽騎駘駘看煞花明柳暉宸遊遍逼
得塞垣春 詞臣供奉親承帳殿聖藻淋漓一曲橫汾
懷古憶臺駘廟圯拓跋陵荒何處英雄廣武剩壘殘陽
追想風流賀六渾此日長楊大開校獵乍歇珠鞭暫卸
金鞵授簡濡毫定推作賦淵雲。

多麗

憶吳門舊游

沈謙

記當時多情初會金昌但盈眸都稱佳麗輸伊真色生
香况知音能翻舊曲偏愛好屢換新粧幾歲拋家今年
避客半垂銀袖倚迴廊喜偶遇無因却走含笑道勝常
參差見如嫌粉蝶未退蜂黃漫攜尊溪山消暑含愁
曾弔真娘翠鬟傾人簪茉莉紅裙脫自裹鴛鴦月底牽
裾河干解纜風流贏得斷人腸想樓外重重煙樹依舊
下斜陽空回首五湖人遠風雪蒼茫

湖上贈竹逸

陸嘉淑

愛明湖晚來千頃秋清。更霧髻雲鬟不定。吳山鷺嶺南
屏。遙天接三層西竺。輕綃捲一片危城。紅變衰楓。青留
蔓草。百年風景記昇平。高低繞名園別墅。處處倚雕楹。
笙歌好。尋芳拾翠。棹槳縱橫。待君來山川如昨。一尊
寂寞愁傾。戍煙空。橫飄斷角。山鐘暗。怒吼霜鯨。邊馬頻
嘶。塞鴻不斷。西風緊處聽殘鶯。還應賴登臨。讌集相向
寫幽情。高吟罷。客歸人醉。纖月初生。

西湖

吳農祥

夢澄湖。画橋春水初生。指嫋娜東風吹晚。朦朧西日籠
晴。雕梁棲雙飛。社燕瓊樓閃。百轉流鶯。潮信蒸梅雨。梢
墜柳惱人情緒。是清明。平沙軟。爭攜新月。壓浪小舟輕。
追歡好。爲他拚醉。醉也還傾。待空閨重尋消息。繡簾
同出江城。玉釵垂。煖圍紫葢珠衣。薄懶掩紅屏。拾翠時
光。踏青心事。香塵蕩去。促歸程。冶游久。歌慵舞罷。寂寞
已三更。徒贏得歲華紀盡。越鼓吳笙。

冬景

張淵懿

雪初消。寒雲更凍平橋。看西風將人冷落。今宵猛似前
宵。雁聲中。幾家粧閣。馬蹄下。萬里荒郊。金縷沉籠。紅綿
壓剪。梅花樓上。又吹簫。怎禁受。悄移芳枕。推挫盡無聊。
空拋却。繡幃鴛襪。夜夜朝朝。記當時。香酣酒醒。低迷

短夢爭饒。淺煙收。柳枝惹恨輕釵。卸翡翠扶嬌。遠浦斜陽曉。山落月。凭闌何處最魂消。縱畱取寶絃依舊誰唱。帶人嬌。年年是斷鐘殘漏。斷送回潮。

長安懷古

姜培穎

夕陽斜。西風寒透窗紗。倚離闌。平蕪千頃。參差幾許人家。鳳凰原鶯聲。是否芙蓉苑。曲沼非耶。燕點澄波。馬嘶芳草短。長亭路帶殘霞。望門外青原綠野。誰種名平瓜。還應念春陰。柳葉夜月梨花。憶當年秦臺漢殿。五陵多少繁華。畱仙裙歸風尙裊。遺芳室好夢非賒。與慶宮前朝元閣。下清平一調已堪誇。千秋後珠沉玉碎。此恨徧天涯。腸空斷。多情游子。淚滴琵琶。

感舊

陳維岳

費疑猜。當時也抵蓬萊。軟紅塵。露桃煙柳。狂奴得得情懷。鼓三通。被人催去。簾半下。獨自行來。小小房櫳。低低欄檻。梅花滿樹。綺窗開。十分貌。九分姿態。一種俏身材。香茵上。烏龍穩臥。佳約初諧。迤西河銀波澹淡。參差也有亭亭。紫雲飛。何從喚杜藍橋。遠恁處畱裴。少賤誰憐。老狂難耐。夢中猶弄縷金鞋。等閒去。堂堂光景。往事尙徘徊。休提起。鈿箏寶瑟。風月沉埋。

桂花下作

吳曹直

嫩涼天。西風遍滿郊原。正樓頭輕羅欲冷。沈寥秋氣堪
憐。綠陰稀。漸凋黃葉。亭臯下。殘盡紅蓮。秉燭心期。褰裳
逸興。小山叢桂。最清妍。招尋處。凌霜挺秀。秋思在花前。
欣滿座。酒徒飛屑。惱聽鳴蟬。對芳樽。香浮金粟。晚風
吹出。嬋娟喜幽芬。疑招月魄。餐沆瀣。好共花眠。今日相
逢。明年此會。知予萍梗在誰邊。多應向水程山驛。茸帽
控絲鞭。花如憶。年年聚散。怕也潛然。

炙硯

吳梅鼎

買香醪。端溪一硯先澆。好賓朋寒來疎懶。只伊常伴昏
朝。弄隄糜雲生膚寸。濡兔穎。花落秋濤。瓦說雀臺石稱
龍尾。文河蚪蚪欲隨潮。忽報道霜飛地裂。墨海凍蒼蛟。
詩成處。玄珠欲滴。何計揮毫。未能拋藥爐。堆火偏宜
借熱相邀。總輸他金壺注汁。應由我獸炭融膏。一氣呵
來。千言寫盡。長吟短味。十分豪。還須避浮塵。點澆宿瀆。
瑤瑤誰親捧。盈盈粉腕。小襯紅綃。

玉女搖仙佩

暮春泛舟

梁清標

長堤柳影綠滿東郊。十里芳湖如鏡。舉網烹鮮。行厨載
酒。重續當年佳興。風月誰偏領。况主人情重。肯虛妍景。
早尋取青鞋布襪。正是姚黃魏紫。相映無奈。遇知心嬌。

小情癡勾人酩酊。憑仗蘭橈。畫槳簫鼓中流。激灑素波千頃。韋曲勝游。旗亭佳會。今古風流堪竝。城角樓煙暝。怎消得杜牧。疎狂心性。趁落日仙舟。容與佳人拾翠。春將去也。君須省。好畱待夜珠光迸。

弔望春宮

丁澎

青州城裏帝子珠樓。縹緲五雲深際。繞柱鮫綃。穿簾玳瑁。舊事繁華朱邸。誰意同流水。見移花月。檻落榆鋪地。玉階外。鳥聲伊軋。雨洗遺鈿數點空翠。何處鳳簫聲暗。想離闌玉容同倚。樓上望春如醉。風透紗窗燕子銜。將花蓋。鬪草踏青。昭陽人去。冷落秋千佳會。飛絮連天起。笙歌杳不道。岐王故地。只見得空梁蛛網。粉墻蝶鬧。但餘幾點看花淚。不如把鳳樓長閉。

館娃宮

董元愷

春鶯啼早。無賴東風。綠徧吳宮。花草鳳閣。銅鋪龍舟。水戲白玉牀中。醉倒萬斛梁塵。繞奈金壺銀箭。豈能長保。忽轉眼香消茂苑。響屨廊空。硯池波小。看脂粉塘邊雨洗。遺鈿數枝紅蓼。別院梧桐影裏。一葉驚秋。此夜愁添多少。麋鹿游時。鷓鴣飛處。國破西施一笑。聽徹菱歌悄。試問破吳後。越還同沼。總不似招提佛號。晨鐘夢醒。月林清影來相照。琴臺上幾聲長嘯。

題岳陽樓吹笛圖

顧彩

洞庭湖上倒插芙蓉搖漾一天空翠。雁落平沙驚飛南浦。極目清秋無際。莫向闌干倚。見雲低遠黛。岫橫螺髻。波濤外片帆出沒。幾點寒鷗欲聚還碎。何處玉龍吟。一笛梅花半天吹起。有客登臨到此。耐可乘風直上廣寒宮裏。漢女宓妃呼之或出。冷豔鏗鏘珠佩遺跡。存有幾三閭恨。只逐斜陽流水。止聽得山鶻嘯。雨林猿啼竹。滿江都是湘娥淚。試沽酒岳陽沉醉。

大梁署中月夜

陳維崧

客愁無那何日歸程。真向江淮起柁。惱殺天邊一輪明月。挂在玉津園左。照着淒涼我。又雁飛墻角。馬嘶城堞。枕稜畔如冰似鐵。仰視中庭數點星。顆。便有夢還家。生怕更樓已會合鎖。擘阮薰香都情。祇剩續紛簾影對人低簸。暗數從前宣和風景。多少花驄鳳舸。此夜誰端坐。匿笑處顫立幾行釵朶。想又是天街似水。梅花糝地。內家一陣香車過。遙映着樊樓燈火。

與米紫來論詞卽題其始存集 曹貞吉

才人剩技削玉團香。有得離奇如此。繡嶺宮前苧蘿溪上。一一傾城姝麗。更把繁絃倚。似飛仙劍客。乘風遊戲。怨離別青衫紅袖。消向琵琶羯鼓聲裏。沙石砉然驚。苦

竹黃蘆暗啼山鬼。省識紅鹽妙理。換羽移宮。墮盡關
河人淚。細數名家。晚唐南宋。漫說蘇豪柳膩。火正當年
喬。平分取書畫船中風味。又盃入金荃蘭畹。小山白石
天花亂撒。珊瑚碎。酒邊珍重。烏絲字。

玉抱肚

感舊

朱彝尊

橋頭官渡。沙頭煙樹。放歸船碧浪湖中。短篷同聽疎雨。
恨參差朔雁。又何苦。慘澹江天。叫秋暮。城隅漸近。隱隱
梵鼓。臨當去。重分付。少別經年。相逢地。單衫佇立。知
誰画眉。好春兒過了。都無緒。好夢兒做了。都無據。限
仙源百尺紅墻翠禽小小不度。斷魂難訴。從今憶舊
事。淒涼尙堪賦。但只怕你朱顏在也。非故水又遙山又
阻。玉鞭長縱。鞭白馬嘶不到這門前路。

多麗

聶冠卿體

送王懷仁謫官西安經歷

朱彝尊

滿長亭落葉西風殘日。縮青絲勸斟別酒。一杯知共何
夕。且踟躕路岐執手。莫愁他。急管橫笛。五斗猶分雙鳧
自在。此行千里。更須努力。到廳事藥囊丹竈。清晝甚閒
適。爭誇道參軍未老。幕府長揖。有高捧金人露掌削
成玉女峰色。好清秋樂游原上。遠勝沙南戰雲黑。北斗

秦城西京漢苑登樓王粲幾殊昔。灞橋外也應尋遍風
雪定相憶。看來歲芳樹隴頭寄我消息。

敬亭山讌集宿巢雲樓和散木 鄒祇謨

問昭亭故蹟遺畱多少。有良朋青鞵布襪穿雲爛熳尋
討。愛蒼霞翩然放杖。仰層峰高挂啼鳥。碧瓦朱欄飛樓
湧殿。夜游秉燭催觴到曉。步荒祠欲呼謝李冥冥蒼苔
悄。凌風去齊州九點長空飄渺。但絕頂翠微未上來
路蒼髯猶小。好重來追尋奇趣。丹梯那便龍鱗老。蹭蹬
歸期安排詩律。破除萬事深杯好。更回首白龍黃鶴仙
跡天南遶。峻嶒處石聳遺壇麻姑仙爪。

西湖春暮

俞士彪

恠東風吹得韶華無幾。祇畱他殘紅一朵美人頭上搖
曳。歎西湖風光非昔。向登臨誰會深意。前度桃門舊時
燕巷。重來瞻眺暮雲疊翠。六橋外斜陽芳草是我斷腸
地。游人散青帘無恙且自沉醉。又何况繁華如夢眼
前多少憔悴。淡煙中孤城半掩萬騎驕驄飲春水。內院
新聲後庭一曲祇今猶是在人耳。算惟有兩峰千古曾
也見興廢。黃昏後月上女牆誰忍凝睇。

櫻桃

陳枋

遞春風春雨先成春果帶春星草堂一樹苔邊三兩時

墮。慣驚翻栗。留啄處。乍疑看。捎蝶花妥。瓔絡垂絲翠。鈿
盞葉折枝低。裊步。搖釵驪。待噙比。相思紅豆。紀事紺珠
可。宛然似。甘脣小。齧素口。微嗟。每山外。斜橋四月園
林曉。摘千顆。滿筠籠。野人攜贈。不羨芙蓉闕。邊坐。茶乳
甌。香蔗漿。榨冷餐時。丰味憶江左。傾盤好。勻圓纖軟。細
寫尙愁破。映蕙色。晴天溼。雲淺暈霞作。

輪臺子

寄譚舟石郡丞

沈皞日

社燕賓鴻。煙雨無消息。西風去。東風搖曳。幾度擢歌妻
惻。鴛鴦一別。人萬里。曾喚起。小閣梅邊吹笛。十九年矣
如夢裏。買酒問西陵秋色。亂雲隔。風流郡丞。可沉吟記
得我亦江湖客。見九重詔自雲中出。正塞垣春生岑
寂。催奉宸游筆。未央殿前承明廬側。青藜子夜休輕擲。
看御柳掩映珂鳴紫陌。相思故人。狂態依然醉眠錦瑟。
誰於邑。星寒窗碧。剪宮燭。認腰帶相識。

箇儂

偶憶

查容

記亭亭。画舸似有意。窺簾端正。雁齒橋南。魚鱗春浪靜。
兩槳相竝。問箇儂何處。傷人不覺。已暗通名姓。柳絲墻
角。東風定。燕子初來。猶兒未醒。凝眸一聲先請。漸凌波

素襪陪入香徑。闌干微凭。甚輕寒做暝。泥趁紅篝少
添麝餅。憐他半懶情性。漫垂肩。驕袖髩雲纔整。年年是
慣愁多病。更懊惱落拓江湖小。杜舊時光景。雙蛾斂板
歇杯剩。把鈿釵撥向爐灰裏。書成薄倖。

雨夜聽琵琶

董元愷

正蕭條旅館。悵永夜殘燈。夢淺逸韻飄來。絕藝誰能擅。
珠繩斜轉。恰玉奴十五檀槽初撥。寫春風幽怨。一鼓再
鼓。梁塵滿。瑟瑟真珠淙淙。細澗都在輕籠。慢撚更摧藏。
掩抑四絃千徧。調當入變。忽驚雷掣電。促節餘音碧
雲哀雁。風風雨雨窗畔。共指間風雨。聲聲相亂。似兒女
昵昵低喚。把無數暗恨。深愁付與曲終人遠。傷心也舊
家庭院。想天涯惟有青衫淚。不堪消遣。

有憶

沈豐垣

豈無因見也。奈見後重悲離別。還思見時。心情常帶怯。
軟語關切。背倚東風。祝莫如柳絮。更莫如明月。輕狂飛
去。隨波沒。一夜纔圓。多時是缺。誰知竟成間闊。漸病傷
幽素。暗損肌雪。同心未結。想盟言虛設。懷袖三年錦
書將滅。鏡中猶記紅靨。似尋春杜牧。不堪悲咽。待重問
渡頭桃葉。怕江水迢遞。驚魂已斷。夢難飛越。枉凝盼暮
靄層疊。放珠簾。隔斷雙歸燕也。教孤子。

夜半樂

蛩語次柳耆卿韻

金是瀛

澹煙側雨。秋氣莎雞箇箇在野。還依渚。更籬角墻陰曲。
闌幽處。亂蟬寂寞驚颺。暫起那堪危葉爭飄。鳴雁高舉。
隨斷岸。淒清遍前浦。晚來鵬樹錦砌。月素橫牕。露華
團樹。閒院落。生綃鳴環人去。絳河清淺。青燈隱映。翠顰
柳葉雙眉。織縑紅女。悵游子。悽然無一語。九月牀下。
漸近宵征。屆霜猶駐。似訴如啼。兩難據。味唐風。誰遣樂
事頻相阻。憑側耳。蔓草行宮路。白頭阿監。傷衰暮。

六州歌頭

戲作簡僮約

鄒祇謨

僮來語汝約法告兒曹。吾所命。只數事。汝毋囂。記來朝。
紅藥闌干畔。縛棕帚。摩苔石。除菊蠹。移蘭盎。早須澆。
庭際幾頭丹鯽。戲蘋藻。粉餌時調。便閒將短竹。扶植美
人蕉。彈雀驅梟。莫逍遙。宜勤應答。捷趨走。護書篋。整詩
瓢。燕几側。博山內。水沉燒。火毋焦。煮茶鑄。須熟候蟹眼。
聽松濤。吾無事。痛飲酒。讀離騷。若有客來時候。須滌
盞。頻進香醪。且抱琴吹笛。長醉侶漁樵。門掩無敲。

有客勸余出山者賦此答之

尤侗

客何爲者勸我曳長裾。人所愛。熱官耳。顧愁予。不相如。

君見居官者苦思慮勞筋骨。工笑語勤奔走。乃多譽。
我則異於是矣。體多病。藥物長須。慣科頭。晏起懶向府。
中趨禮法全疎。古之愚兼常。捫蝨喜曝背。時強項。或撚
鬚。諸若此。俱不可一朝居。愛吾廬。種豆南山下。幾個竹
映芙蓉。驅山犢。彈野雀。釣江魚。况有老妻釀酒任醉。
後拊缶歌呼。有山公啓事。報以絕交書。客且歸歎。

鳳凰山弔南宋行宮

沈謙

煙消艮嶽。一馬却浮江。南渡事真草草。寓錢塘。正蒼黃。
怎愛湖山秀。新歌競離宮。起將二帝。水天苦竟相忘。
慟哭朱仙三字。成疑獄。自棄封疆。有半湖燈火。蟋蟀當

平章。播越堪傷。遂消亾。空餘五寺山。鐘歇悲輦路。草荒。
荒。子規叫。精靈出。景淒涼。淚沾裳。回憶騎驢笑。匡山遠。
斷歸航。西湖上。却依舊。奏笙簧。聞道鶴歸華表。城郭
是人。去何方。恨東風。一夜吹變幾滄桑。滿地斜陽。

過村中古墓

王暉

日暄風淡。散步到郊原。尋曲徑。見荒冢。被狐穿。起蒼煙。
又見松枝禿。野鳥噪。桓碑斷。宰木拱。披苔讀字俱殘。
傍有村農告我。伊人在。電掣霆鞭。擁黃金。肘後環列盡。
朱顏。曾築丘園。擅腴田。更充甘臙。淫絲竹。衣錦繡。飾珠
鈿。惟縱惡。兼長傲。任喧闐。幾何年。一旦歸泉壤。若敖鬼

阿誰憐。聞說罷長太息。骨生寒。靜憶古今事理。雖纖細。往復昭然。笑眼中華胄。意氣尙軒軒。試看青天。

綠章

史惟圓

綠章封事。夜奏白雲邊。煩青鳥爲引。到大羅天。玉堦前。臣有幽憂疾。須藥物。纔數種。苦難致。願乞與療。狂顛。繞屋須栽紅藥。都開徧風景。嫣然對芳樽。常滿門繫釣魚船。閒愛流泉。聽潺湲。夢松風好。欹枕看當簾。月隔籬煙。有幾許野鷗鷺。恣飛翾。共周旋。此外無人到。容穩坐且安眠。只如此銷未晝。保長年。苦問天公無語。想茲事自古難全。有巨鰲海外。蓬島擁群仙。汝往從焉。

易水懷古

錢芳標

停車野廟煙柳正中春。驚風起蕭蕭裏。動青蘋似秋晨。此地荆卿餞。白衣指白虹。貫筵未半。歌聲變泣沾巾。擊筑酒徒意氣方雄。岸底用逡巡。仗霜痕七首。西入虎狼秦。眦裂空瞋。志難伸。想提囊士彈琴子。謀用矣。豈無人。狙擊去。椎還悞。竟全身。祖龍真。那信沙丘路。鎬池語。玉衣塵。燕臺館。阿房殿。總青燐。督亢。画圖何處斜陽外。敗堞叢榛。只泉香釀。列巫鼓唱迎神。行旅酸辛。

送岳千里之宛陵

蔣景祁

登山望遠臨水送將歸。問此去馬何向宛陵南。敬亭西。

聞道浮丘宅群仙會丹崖古陞絕頂窺天目俯回溪。

躡屐相將攬勝凌風想憑弔南齊慨謝公安在江令筆

花飛欲往從之吾誰依寄崔陵語絲竹好暫穩臥北山

匪垂釣罷遺賭墅共圍棋薜蘿寒戶外徵書至看捧檄

不須疑君健甚行矍鑠是翁稀別酒桑乾渡口車塵

黯落照侵衣美東都賢者同把一鞭攜風雪題詩

東君
崔侯

選縣
令

小諾臯

夏雨

陳維崧

密灑脩梧輕敲疎竹一雨碧天如此正日長亭院無膠

羈人徙倚滿目煙潭草閣多少紅蘭白芷更明珠瀉向

荷錢容裔極浦沉沉前汀瀾瀾又小樓玉簫聲澁吹入

愁人心裏無限事思量起此際凭闌幾回推枕揔是

故園千里忘不了水簾生寒玉釵着水風景而今依舊

無奈鬢絲不似揀流落楚尾吳頭而已今夜樓中明朝

篷底便瀟湘宋玉悲秋未必此情堪比天欲暮雨不止

寶鼎現

甲寅中秋

徐階鳳

冰輪乍湧蟾魄初皎軒墀如水集少長當窗促坐酒政
寬嚴藏妙理看竹柏影橫斜几席芳桂森森交翠須趁

此良宵縱飲莫負姮娥娟麗。坐聞画角城頭起。歎無
復當年歌吹。况楚越遙傳烽警。幾許風聲兼雀唳。只明
月歷古今無異。總照流亾羅綺。更幾處空閨悵望。十二
朱闌徧倚。洗盞重斟念秋半。西風將厲。怕陰陰庭樹
做出秋聲動地。便對月早圖沉醉。方是高人計。任玉露
寒透羅衣。還鼓南樓興味。

三臺

送其年再游大梁并之鄴下

吳本嵩

想曹家七子傑出鄴城三臺初建。有孔璋才調壓諸公
應劉伍徐吳王阮。陪鶴蓋正綠池蘭坂。忽千載風流雲
散。漳河水日夜潺湲。銅爵瓦春秋苔蘚經幾番。俯仰憑
眺。又到而今指點。問何人能作建安詩人。盡道孔璋重
見。三年彈指頃。憶燕市曾執手送君之汴。也曾向衰
柳西風唱一曲。相看腸斷。幾何時谿舍話別舊游已如
蓬轉。喜此番風物正春和。盤馬路落紅泥軟。勝前度青
霜縈短髻。蹴滹沱秋水清淺。且領取三月鶯花莫徘徊
廢宮殘苑。

拋毬樂

元夕觀燈作

龔百藥

正逢佳節初到。今夕三五。趁東風催煖。陌草解凍池水

淺寒猶妬。頓惹起花市香風。好剪斷燈街絲雨。恁處鬪
綵新鮮。火齊瑤華。高級珊瑚樹。更銀燕金鳧。桂枝蓮炬。
瑋瓌光恠。魚龍怒舞。想誤到蓬萊碧海。曙絳霞通萬戶。
便金吾難禁。絲管沸天。綺羅隘路。別有珠服當壚。鸚
鵡換酒。自挑魂與。寶車輕絲轡。緩醉玉少年風度。聽沉
玉漏。冉冉鳳簫深處。暗芳滿袖。帶愁歸去。髣髴猶認非
煙霧。更爛珊燈火。揮毫獨對梅花。月轉紗窗。幾許。想半
揭珠簾。燈影下。瞥覷渾無語。恨滿眼韶華。一般難據。

哨遍

送無言歸黃山

董以寧

爲問先生。且在爲佳。何事成歸計。却道是十載。趁萍踪
漫逍遙。蜉蝣天地。季主簾邊。韓休市上。閱盡人間世。便
功業蕭曹。文章燕許。不過如斯而已。况他家父子。是和
非問。商山何與。諸公事。白社遺民。黃冠故里。猶然遲矣。
再莫羨揚州佳麗。負了山靈誓。閣梅堤柳。當年幾下
蕪城淚。繡瓦宮娥。銀牀賓客。只今名姓誰爲記。天台可
賦。蘇門堪嘯。奚必江東虎視。把芒鞋整頓。歸來閒憇。向
軒皇鑄鼎。舊高臺。餌丹砂。身名俱避。有時來。往空庭。一
二莊生老子。倘教他日。少微星耀。天上來。徵處士。好教
兒童護柴門。道先生高眠未起。

酒後東下飛濤

陳維崧

大叫高歌脫帽陽狂頭沒酒杯裏。憶自從戍騎出臨渝。幾喚公爲無是君。不見莊周漆園小吏。寓言八九人間。世又不見信陵暮年潦倒。醇酒婦人而已。爲汝拔劍上。崦嵫。令虎豹君門。勿然疑。古人有云。雖不得肉。亦且快意。君言在遼西。獸宮鬼冢。莽林際。何暇顧妻子。聊爲汝一言。爾猶記。臥氍毹。車霜花。盆涌三更千帳。琵琶起。又馬作酸嘶。弓爲異響。鄉心一往如醉。幸與子相逢。復此時。更不飲。躊躇亦奚爲。算人生且自豪耳。於是立盡數斗酒。三行以後。汝爲我舞。吾爲若語。手作拍張言志。黃鬚笑。捋凭紅肌。論英雄如此足矣。

卜居

史惟圓

我欲卜居何去。何從煩汝著龜記。把一枝長戟六鈞弓。學從軍向沙塲醉。又峩舸巨扁。欲隨估客營營。競逐錐刀計。或種豆南山。歌呼擊缶。田家斗酒相攜。羨空林殘磬掩禪扉。更隨意。芒鞋去還來。千水千山。一瓶一鉢。垂垂老矣。須富貴何時。參軍傀儡。總堪嗤。吾欲傅粉墨。借拍板與門槌。問夢裏輸贏。人前俯仰。新磨幡綽。誰相似。有賣畚洛陽。吹簫吳市。英雄失路如此。願相從。朱亥侯嬴輩。但飲酒。鼓刀在屠肆。更持籌。販羊驅豕。不然傭

保雜作鏗跡埋名苑。不如溪畔打魚射鴨。日暮行吟下里。君行君意復何疑。笑卜人焉知此事。

浦口平山雙翠樓

路鶴徵

浦口子城亂岫枕江東。有平山寺。雙碧樓欄檻俯江波。望江南樓臺雲際。翠靄迷雨餘。弄晴還暄。青螺笑兀攢高髻。見雉堞參差。鳧鷖滅沒。帆檣高下如薺。更斷崖險巖。燕橫磯。插翅逐朝煙。暮霞飛。虎踞龍蟠。錦繡江山向饒王氣。吁天塹神畿。六朝遺恨。胭脂膩。玉樹歌未已。後庭花唱商女。嘆智井。憐青景。陽蘚碧。衰螢黯淡遺宮裏。看玉塵塵污。烏衣巷冷。新亭長。此流涕。只大江日夜自東歸。飽閱盡滄桑屢更移。任神州陸沉。波沸興亡。摠如兒戲。憑弔非吾事。但知臨水登山。玩賞領畧春光而已。浮生如夢。莫歎欷。傾壺觴。痛飲歸去。

戚氏

暮春

吳儀一

暮春時。歸雁排斷碧雲飛。風裊垂楊。煙拖細草。蕩游絲。淒淒其憶天涯。病多不敢試羅衣。子規何處啼。血芳樹一夜抹臙脂。高樓莫上。重門須掩。湖波正送春歸。奈画闌。蛺蝶離籠。鸚鵡又醉晴暉。尋思那日分離。桃花如雨。霧隔武陵溪。空贏得玉腮珠淚。同灑臨岐。恨依依。舊情

些箇心頭一想萬事都非。夢裏貪歡。畫中行樂。今生只
合如斯。燕趙豪華地藏春錦帳。護月金屏。況是玉人
年少。趁珠歌翠舞。笑相攜。夜深同醉瓊筵。藏鈎拋豆。肯
負芳辰。度渾不記舊日花前約。誰知我無限縈思。對暗
塵積滿琴徽。鎮日待沉睡小窗西。忽花叢裏斜陽向晚。
驚轉黃鸝。

鶯啼序

春日游平山堂卽事

陳維崧

三月雷塘口。多少游絲浴鷺。正澗瀨文縠初平。金溝種
滿芳樹。屏障津樓斜蘸水。秋千春院閒吹絮。喜夾衣初

試艇子。一雙搖去。陣陣鬢絲層層簾影。齊問平山渡。
隔船紗裊裊。亭亭影落淥波深處。照菱花水。面明粧唱
竹枝風前詩句。又東園芍藥纔紅。金鈴爭護。蘭橈小
攏試看繞。逕裙花襯襪塵微步。漸鋪遍。毘瑜玉筍飛觥。
春纖拂素。紅子低敲青梅小。摘闌干却立頻回顧。驀地
見玉鈎斜下路。傷今弔古。黯然偷注橫波。此處是隋皇
墓。幾番悵悵流水東風。往事渾無據。且趁江流正滑。
好放蜻蛉慢搖。紈扇重歌金縷。暝翠將沉。船頭欲轉。菜
黃灣子紅橋下。妬游童寶馬將人覷。可憐此際歸來。兩
岸榆錢。一天絲雨。

題蘭陵邵子湘画幀五幅

一圖執卷堂前後蕉黃竹翠環牆隙激水鏘鳴瀲灩聲
循簷際中有一人攤卷讀不知所讀何經史想讀當佳
處時復奮袂抵几。其一江村滌場納稼髣髴柴桑里
敞村扉箕踞松根揮斥田奴疆以映斜陽老特驅來漾
新蟾雛鳧驚起芍陂禳社足平生千場磴確。一圖泛
艇溼徧船頭綠蕩是洞庭煙水軟幔障疎檣斜裊茶煙
細縈溪尾釣得鰲來曬將網去撥棹入江鄉魚市其一
圖竹杖還攪履層巒疊嶂秋深榭葉參天夜靜松花滿
地。廢箸沉吟輟耕太息往事都非矣何苦上書北闕
侘傺無成種豆南山荒蕪不治龍爭七澤虎鬪千山釣
名釣國終非計便終南捷徑徒爲爾亟圖翠蔓青藤峭
厂枯團放吾鼾睡。

過顧將軍墓

施樟

西風枯草正極目荒原日暮慘悽悽木落陰凝饑鴉爭
又飛過不見亭臺如舊日還認得十年前路問英雄何
處隴頭幾尺紅土。猶記當時轉頭一夢悵繁華難數
烈心情消盡紅粧画樓寶帳深貯雨淋淋將軍鐵甲月
陰陰佳人金縷聽簫聲酒豔香濃夜闌歌舞。池邊堤
畔跨水銀橋高駕望翠簾如霧簾下語鸚鵡菱鏡齊開

爐煙微炷。闌干倚徧。鳳釵敲斷繡幃花。醉春光。護最堪。
傷惹。苒偏騰妬。鴛鴦瓦。圻誰知。絃索塵封。竟空老。漁陽
戍。荷戈西去。匹馬南歸。歎此生。虛負。遂伴北邙狐兔。
一片河流滿地。殘陽兩株墳樹。朝雲死也。楊枝辭去。廢
基平。迴廊。複閣。問驚雷。怒雨。魂來否。幾多往事。新愁付
與沙汀。冷鷗閒鷺。

春游和彭羨門先生韻

林 枚

驚覺春眠。是窗外。乍啼黃鳥。開簾視快。拂重檐。飛度花
梢樹杪。憑閣遙瞻。雲海際。蒼茫黛色。晴山曉。向城南游
賞。陌上行人多少。越布爲衫。齊紈裁扇。錦帶垂吳編。

映仙裙。風外徐飄。輕拂珠塵如掃。望平蕪。芳草萋萋正
王孫。關情未了。更穠桃夾岸。芬菲漁舟不到。依依楊
柳飛絮。垂絲可愛。繞画橋清沼。落蘂暗飄香。淺碧微颯
亂紅含笑。深院無人。曲欄有美。數聲紫燕。空梁噪。看羅
襪。雙鸞行靜悄。凌波微步。苔痕一徑。斜分綽約處。情思
攪。堪憐。嬌困整衣無力。倦態腰肢。裊見說檀郎此日
斗酒雙柑。瓊瑜促坐。風流妍好。微醒猶醉。踏青歸路。紅
樓十里。笙歌起。漸平沙。落日銜殘照。不妨且繫青驄。漫
結同心來尋蘇小。

豐樂樓

辛酉元夜同戴山賦

陳維崧

上元許多往事。摺蠻牋倦寫。對皎皎一片冰輪。背人鉛淚偷瀉。記年少。心情百種拋來。都付傳柑夜。月將圓。狂到收燈。那宵剛罷。要識狂奴踪跡。除是寶釵羅帕。喜人月一色相看。盈盈堆滿簾罅。粉牆西。火蛾低旋軟幔。左飛蟬。頻卸。也曾招花朶般人。倚風輕罵。誰差詞客。去作官人。舊情仍亂惹。況今歲。鳳城中。煙柳外。添了萬盞晶籠。水邊斜挂。獅蠻假面。參軍雜爨。繡帷飄得天街。滿更夾路香謎。憑人打鸞靴。獸襖幾群牙。帳毬門。彈壓紫陌坊瓦。昇平士女。京國樓臺。荷九重放假。囑閭闔。雞人漫唱。月摠西沉。人忍空辜。舞場歌榭。緩扶薄醉。御溝斜轉。前門小立。偏妬煞。綴犀釘。鈿粟繒。垣下往來。月裏摩挲。多被春纖絮情話。燕京風俗。元夜競往前門。摸釘爲戲。相傳識宜男也。

添字鶯啼序

瞻園卽事用吳夢窗韻

沈皞日

偶攜石城屐齒。過千門萬戶。向官閣圍坐。園亭把酒。春未遲暮。倦游客。迷離老眼。暗香點點。梅花樹。記天涯。飄蕩七年。夢中吹絮。幾曲迴廊。簾幙一片。卷輕綃。薄霧剪銀燭。觴味追陪。滿堂情緒如素。遠池塘。垂楊弱柳。總搖曳。弄晴絲。縷亂山根。雙鶴飛來。瞑疑鷗鷺。小窗詩

話共檢茶經頓忘却逆旅舉目見舊家風景碧草芳杜
離別幾經空江煙雨紅蕾欲吐天桃如笑未妨拏艇乘
波去試春衫踏遍秦淮渡定巢燕子銜來何處芹泥莫
是季陵坏土夕陽西下渺渺予懷念村遙白苧忍更
問六朝遺蹟零落重樓鏡檻釵鈿雀屏歌舞愁紅怨翠
驚心時序湔裙脩禊清明近正沉吟往事停箏柱主人
依舊殷勤松下花間暫畱住否

瑶華集卷二十一

荷葉杯 一首

竹枝 八首

字字雙 一首

十樣花 一首

黃金縷 一首

江南春 一首

玉連環影 一首

調笑令 二首

戀情深 一首

霜天曉角 一首 平韻

散餘霞 二首

繡帶兒 一首

占春芳 一首

巫山一段雲 一首

紅袖扶 一首

望仙樓 一首

秦娥點絳脣 一首

沙塞子 一首

春江路 一首

望遠行 一首

擷芳詞 一首

金錯刀 一首

逍遙樂 一首

一七令 一首

西江月 趙元父體

散天花 一首

弄花雨 一首

浪打江城 一首

青玉案 張叔夏體

賣花聲 一首

聲聲令 一首

如意令 一首

三奠子 二首

惜黃花 五首

鷓鴣序 一首

送入我門來 一首

陽關引 一首

欸殘紅 一首

彩鳳飛 一首

喝馬一枝花 一首

離別難 一首

勸金船 一首

玉京秋 一首

秋浦雲 一首

滿江紅 平韻

如魚水 一首

古香慢 一首

瀟瀟雨 一首

錦堂春 一首

被花恼 一首

應天長 一首

定風波 一首

鳳池春 一首

紫玉簫 一首

絳都春 一首

月下笛 一首

解語花 五首

換巢鸞鳳 二首

湘春夜月 一首

水晶簾 一首

龍山會 一首

西湖月 一首

惜黃花慢 一首

奪錦標 一首

選冠子 一首

瀘江月 一首

梅影 一首

荷葉杯 第二體

閒情

王倩

相喚合歡花下。生怕不好伴郎行。羅衣雙帶有金鈴。聽摩聽聽摩聽。

竹枝

越州

蔣平階

兔絲山北石帆東。裝點虞姬似阿儂。郎慣夜來還早去。為儂相送有樵風。

又

綠雲高綰似堆鴉。穿袖籠鬆小艇斜。自愛越溪顏色好。開篷露坐不須遮。

又

鞋幫踏損髻釵橫。齋宿焚香坐五更。又起長春新嶽廟。紅裙一隊向東行。

又

西施山月照雙蛾。月下女兒尋黛螺。更脫弓鞋量石跡。與儂分寸不爭多。

西湖竹枝

王倩

孤山脚下七香車。放鶴亭前處士家。郎若扶儂山上去。與郎親手折梅花。

又

燒春美女好紅襦。滿面桃花撲玉缸。莫訝鑪頭酒味薄。兒家生小住餘杭。

又

香閨高築望夫臺。郎在江南船未開。總使心如江上石。

飛來峰也要飛回。

又

虎跑泉水竹風鑪。龍井茶芽磁瓦壺。誰道雨中山菓落。紅菱新販過西湖。

字字雙

旅懷

丁焯

玉人一別年復年。明月西樓圓復圓。水雲鄉路千復千。海燕歸時憐復憐。

十樣花

新雨

柯煜

窈窕一溪新雨。鴨鴨翠波生處。小艇逢伊也。移時花外
凝竚。遠風吹斷語。

黃金縷

涉園桂花冬月大開喜而賦此 柯煥

碎踏冰苔池畔路。圻粟金寒。誰分枝頭吐。爲惜重遊人
意苦。姮娥剩把天香補。

江南春

閨思

丁焯

人悄悄院沉沉。露華珠履溼。煙草画屏深。看顰楊柳三
春黛。愁長芭蕉一夜心。

玉連環影

雨

成德

何處。幾葉瀟瀟雨。溼盡檐花花底人。無語。掩屏山。玉爐
寒。誰見兩眉愁聚倚闌干。

調笑令

隲括吳門女子詩

宋 犖

任丘旅店題云。妾白梳月號蓮。仿家任半塘。幼
失雙親。寄養他姓。姿容畧異。慧業不同。非敢擅
秀。閨中願効清風。林下豈意我生。不辰所適。非
偶。日彈琴之相對。百恨纏綿。時捲幔以言征。一
詩哽咽。余爰題之。驛亭人各憐之。黃土可耳。丙
辰三月廿日。北上過此。挑燈細讀。感慨係之。因
隲括原詩爲小
令用貽好事云

吳宮春深怨別離。風塵慘澹雙蛾眉。鶉啼月落
寸腸斷香消芍藥空垂垂。流黃未工機上織。生
小殷勤弄文筆。新詩和淚寫郵亭。珍重寒宵誰
面壁。

面壁。淚痕溼。想見含毫燈下立。風鬟雨鬢吳宮隔。芍藥
香消堪惜。明妃遠嫁歸何日。一曲琵琶悽惻。

咏古

洛神

蔣景祁

甄妃妖冶世少雙。牽情惹恨東阿王。黃初天子
不同調。摧蘭毀玉空嗟傷。神人道隔見無路。洛
水盈盈正愁渡。魂銷金枕今夜長。淚滴清波怕

歸去。

歸去。離恨苦。前生誤作袁家婦。那更擡頭事人主。化做
洛川煙霧。一朝腸斷陳思賦。零落明璣翠羽。

戀情深

卽事

周穉廉

雨濕圓荷風結芡。綠莖紅豔。層船兩兩驛橋過。榜人呼
榜。毬影拂麴塵波。寒浪縠紋拖。日暮鴨兒戲水竹煙
疎。

霜天曉角

平韻

秋聲

孫致彌

遠寺疎鐘更霜前早鴻。幾許暗蛩心事都說向月明中。
寒空聽不窮。恁他牕外風。不去天邊吹恨來枕畔響
衰桐。

散餘霞

晚抵羊流店

賁琮

小樓煙鎖空村靜。駐馬尋芳徑。花影爭趁斜陽鬧。蜂兒
不定。殘春客衾尚冷。貰酒消孤悶。醉想叔子風流且
凭欄索詠。

秋登太白樓懷京少

黃承茲

危樓半壁孤城陡。秋盡南池藕。柳葉爭墮新霜看先摧
烏柏。蒹葭水痕寒。留搔首西風久。是處青布帘斜與
何人沽酒。

繡帶兒

春思

柯炳

十二捲重簾。春思阿誰添。逞逞蜨兒飛處。花影覆澄潭。
霞際夕陽啣。雙玉燕低拂輕衫。墻東更待月飛一線。
驗取睂尖。

占春芳

無題

孫致彌

楊柳月桃花雨。第一可憐宵。恰稱合歡窗畔。璧人竝倚

鸞簫。九子玉鈴搖。穩雙棲。翡翠蘭苕。黛螺斟酌。遙山碧親寫。看梢。

巫山一段雲

秋旅

孫致彌

冷逼疎蛩咽。寒催斷雁哀。閉門今雨絕人來。旅思渺難裁。悶把香螺斟酌。嬾看玉蟲開落。莫橫霜竹合伊州。獨客不禁秋。

紅袖扶

湖上醉歸

丁焯

画舸笙歌歇。平湖璧月方中。垂鞭信馬東風路。人似柳花慵。剗襪露堦愁溼。扶頭山枕眠濃。阿誰勸得蕭郎醉。恨煞玉玲瓏。

望仙樓

彈箏

葉暎榴

纖纖徐度十三絃。指上落花流水。簾外微風初起。一陣霏桃雨。悠然夜月清商。恨蹙秋波無語。餘韻驚塵縷。縷散入垂楊裏。

秦蛾點絳唇

新譜犯調

柯炳

春漸老。輕揚翠幕。蘭風好。蘭風好。紗窗窈窕。柳浪啼鶯。

曉。屏山寂寞。爐煙裊露華。顆顆凝芳草。凝芳草。海棠
睡覺。依舊迎人笑。

沙塞子

用香草亭韻

梅 慙

曉開奩鏡。拭紅綿。無一語。妝罷思眠。最惜是淡雲疎雨。
顚賴春天。兩眉愁聚。憶從前。曾密誓。低裊爐煙。道將
息。落花時節。腸斷今年。

春江路

京口留別

王 翊

雨銷花風剪絮。腸斷暮春江路。可憐芳草不知愁。又逐
輪蹄千里去。秣陵煙。京口樹。進退離魂無據。夢中
最是泥人情。身在南樓歌舞處。

望遠行

人日

陳子龍

曉日深沉。畫閣眠。銀剪閒開半圓。小屏風上。又新年。綺
羅香襯。落金鈿。思往事。恨綿綿。怕說梅粧。柳煙。裁成
華勝。寄誰邊。一春常是淚花前。

擷芳詞

題演溪翁飲茶圖

李 符

清和晝。汲泉溜。春芽秋片。花蕤鬪。披輕袷。停蕉筵。千縷

煙中鬢絲禪榻。開吟牖。桐陰覆。茶星朗映詩仙瘦。焙
香莢。尋山衲。可能同載一帆苔雪。

金錯刀

觀蓮聽美人樓上吹簫

丁焯

汀蓼晚渚蓮秋。參差碧玉度高樓。身過煙鏡窺秦女。人
向花光想莫愁。幽調咽。好風柔。新聲疑帶水香浮。不
知蛾綠曾顰否。誰遣筠簾自上鉤。

逍遙樂

窗前

周篔

窗前月有梧桐。纔是響秋風。飄何處。任西東。一旬中。管
槭槭。枝頭盡空。窗前葉有芭蕉。濃露浥朝朝。雖無雨。
儘蕭條。客心搖。看一朵燈花坐消。

一七令

傲升庵體

楊春星

春。翠暖煙勻。花簇錦。草鋪茵。青郊寶馬紫陌雕輪。呢喃
飛燕語。現曉曉鶯。嗔。柳線不縮香夢。榆錢難買芳辰。二
十四番風信老。一百五日火迎新。

西江月

趙元父體

柯煜

珠箔誰家院宇。綵旗是處鞦韆。紅襟巧語落窗前。好似

對人珍重說春寒。歸信已遲雁後新愁又到鶯邊綠。
楊和雨更和煙。記得去年曾繫木蘭船。

散天花

山子犀月別後有懷

周 質

燒燭持杯幾夕同。恠來拏短檝各西東。雨晴池館蔭梧
桐。兩尊燈下夢不相逢。響裂芭蕉夜半風。似聞山鬼
語。小庭中。城頭鼓煞五更鐘。起行還獨自檢書蟲。

弄花雨

春閨

柯 煜

橋外風吹柳梢雨。小鶯啼一川煙樹。芳徑裏人逐蝶來
燕去。隔修竹誰家院宇。秋千上有雙鬟舞。綵繩低隨
風飄墮。驀地覺花底游人偷覷。競笑入綉簾深處。

浪打江城

沈去矜新犯譜

自錢塘江汎舟晚泊六和塔

何 淇

斜日下江臯。蘆荻蕭蕭。誰把三千犀弩射秋潮。一霎輕
帆過十里。回首望暮雲遙。衰柳折長條。何處停橈。半
晌西風搔首更無聊。佛火黃昏清梵裏。聽幾度晚鐘敲。

青玉案

張叔夏體

春日閒居寫懷十首次張叔夏 周 質

西溪折向滌洞處。漾舍影朝還暮。榆柳蕭疎三五樹。樵

人與住。漁人與住。高話羲農古。未調一曲君休去。須
待理。猗蘭譜。庾信小園仍有賦。鳥多歡趣。魚多歡趣。霽
了勾芒雨。

又

臨溪倚杖清吟處。乍矯首雲峰暮。漫訝老夫家獨樹。山
莊近住。水莊近住。要自淳風古。高門懸箔休重去。怕
忘却金荃譜。窮鳥自安元淑賦。鑿冰孤趣。煮冰孤趣。任
不來今雨。

又

人踪稀少盤棲處。黯一點炊煙暮。沙嘴毳氈楊柳樹。鴉
歸且住。雲歸且住。相與成終古。魚燈幾點蘆中去。橫
短笛。元無譜。客過相如稱善賦。折巾奇趣。漉巾奇趣。炬
剪西窗雨。

又

虹霓千尺消何處。霽遠碧斜陽暮。一飯人煙三宿樹。身
無所住。心無所住。鷺嶺傳燈古。太虛一室何來去。閱
吹萬笙竽譜。鵬鳥長沙銅冶賦。養生生趣。達生生趣。百
草萌春雨。

又

孤村足有流連處。曳短策隨晨暮。時倚檐前欹側樹。看

花小住。看雲小住。不弱桃源古。少年事與東流去。幾
青簡留遺譜。芋聽狙公顛倒賦。朝三殊趣。暮三殊趣。怒
喜爲晴雨。

又

梅根種向無人處。倚翠竹。天將暮。不似孤山三百樹。霜
花壓住。雪花壓住。越樣苔枝古。微香駐屐來還去。問
誰訂巖寒譜。鐵石廣平傳一賦。醉餘風趣。夢餘風趣。愁
對瀟瀟雨。

又

出門自計無行處。但兀坐茅檐暮。獨鶴正巢溪畔樹。水
流可住。雲流可住。民是無懷古。百年荏苒飛光去。誰
與竝松喬譜。且喜玄亭能作賦。東鄰諧趣。西鄰諧趣。載
酒過風雨。

又

瓜牛早逐焦先處。但鬱鬱成衰暮。剩有一瓢空掛樹。北
垞好住。南垞好住。愛煞煙霞古。燕來底事鴻偏去。原
不是生同譜。可忍鵲鴿原上賦。舊來交趣。今來交趣。骨
忘聯牀雨。

又

晴沙愛着眠鷗處。雲澹映溪光暮。漸窄金絲垂岸樹。鶯

留客住。花留客住。只欠亭臺古。遣箇童兒攜榼去。還與問松醪譜。闌入醉鄉成酒賦。坐乘天趣。行乘天趣。更值催花雨。

又

家人生產無營處。早已自身遲暮。那得龍洲千橘樹。萍飄莫任。蓬飄莫任。目住江山古。春來已是冬消去。便欲問群芳譜。羽獵長楊爭獻賦。別人情趣。懷人情趣。孫楚悲零雨。

賣花聲

本意和黃子常

金張

春雨春風勻染萬千紅紫。摘將來。連花帶蕊。滿籠盛了。尙露流如水。近紅樓一聲聲起。叫來叫去。賣得好春光未。奈牆東傷春有美。翠鈿零落。懶學人新髻。正厭厭夢回花底。

聲聲令

寄吳漢槎寧古塔

顧貞觀

鐵衣初卸。弧月親彎。舊書生。絕域紅顏。鍾情多病。那禁直恁摧殘。只透煙霜兩鬢頑。甚日生還。酒泉郡。玉門關。燕領小妹上書難。穹廬舉案。淚偷彈。築刀環。強說兒身是木蘭。

如意令

獨木橋體

柯煜

怕捲珠簾丁字。怕倚闌干亞字。凝竚夕陽中。空有雁排
人字。何事何事。不寄蕭郎一字。獨對画屏山字。無計
遣他愁字。小篆欲薰香。不忍燒殘心字。多事多事。學寫
鴛鴦兩字。

三萼子

傷春

周穉廉

憶枇杷花下。半掩朱門。芙蓉扣石榴裙。波凌鸞尾窄。額
裏象紗新。嬌不語。悶含嚔。似傷春。鳳窠顛玉。綃幌搖

金。蛾黛淺。口脂勻。相思曾種樹。比目願爲鱗。意中人。眼
前景。最銷魂。

又

記湔裙時候。綠驪紅酣。桃閃閃。柳毵毵。浣花朝滌硯。待
月夜。鈎簾。梳鬢髮。整彎環。啓紅奩。雲梳象櫛。霞襯鸞
衫。緗纈小。粉山尖。蝸涎污繡帖。蟲篆蝕書籤。似傷春。如
中酒。最嬌憨。

惜黃花

集竹垞太史古藤書屋分賦

蔣景祁

露明秋樹。煙寒蔬圃。御堤邊。正蕭蕭。柳梢堪數。散髮玉

堂仙迹。跡金門。侶。招好友。四圍芳。想。簾衣風舞。蛩聲
夜語。落蘋花。又疎疎。六街涼雨。此別會。何時美景。誰畱
取。最惱煞。麗譙催去。

又

黃庭

東山別墅。北窗闌暑。愛蕭森。古藤陰坐。深天暮。風葉響
庭柯。雲影橫河渚。愜此夕。玉舟傾醕。砧聲何處。蛩聲
不住。乍燒燈。又移燈。避他疎雨。那管促更籌。只合脩簫
譜。且載酒。和江湖句。

又

姜遜

荷風驅暑。蘋陰侵塵。恰秋涼。憶吳淞。鱸香堪煮。豈識軟
塵中。翻得幽棲處。渾不管。乍來今雨。飛鴛諧語。移商
刻羽。好催詩。墜檐花。滴朱研露。安擬注。蟲魚未慣。題鸚
鵡。休誤曲。倩周郎顧。

又

陳枋

草堂花嶼。藥闌茶具。罨藤陰。似青油。四垂風舉。恰映食
單圓。肯放纖塵舞。逗幾點。洗車零雨。頻傳杯醕。遞觀
笛譜。欲黃昏。未黃昏。漏聲催去。促坐剪燈時。商畧題襟
句。聽不了。越吟吳語。

又

蔣運昌

秋陰庭宇。秋風簾戶。數秋花。奈羅羅。晚香懸樹。彷彿茂

林遊少長群賢聚。疎禮法不知誰主。都忘羈旅。剪燈酌醕。乍停杯又傳杯。夜闌徵句。細雨下庭梧。涼氣生衣。人正在碧蘿深處。

鶯啼序

臥病偶成調用鳴雀餘音體

柯煥

傷春憔悴豈道春歸。這心情倍苦。堪歎也。把吟詩逸興。縱酒狂懷。病對風光儘成虛度。無聊已極。此中何事。消遣喜綠陰寂寂。鳴蟬時振羽。嘶風露。可知更是。細簾高捲。桐花還墜。碎香無數。

送入我門來

閨怨

宋學

翠浪翻帷。紅綾燦枕。燈花細落銀釭。夜雨春風。寂寞掩蘭房。吐絲妾似蠶眠箔。奈化枳君同橘。過江。此恨倩誰說。與願逐晨風。飛去。遂到君旁。水遠山高。雲樹但蒼茫。鴛鴦幾見池中睡。歎芍藥空飄檻外香。

陽關引

旅况

楊春星

画角悲風冽。陣陣飄殘葉。寒空落落照山村。晚征塵歇。向蕭蕭亭館。無語愁千結。正黯然驚雁。又度南樓月。惆悵年華逝。嵐煙隔陌頭。楊柳多情也。易輕折。腸斷陽關

曲怕聽歌三疊。安得常歡聚。莫作天涯客。

欵殘紅

客懷

王翊

野客止精藍。偶影吟溪晝。一雨寂寥中。幾日清明又。高
花時以飛。雜葉陰斯厚。僧去閨無聞。風物紛然就。粘
梁燕築香。疥壁苔移繡。甌色待茶新。火意留煙舊。薄恨
春將改。積倦書長覆。夢緒亦多端。獨處令人瘦。

彩鳳飛

用懶窟詞體

錢芳標

譚子國春申。浦兩度嗟萍梗。誤茲辰香閣。珮聲釵影。誓
今生藕花裏。雙宿雙飛。如何便夢斷。舊沙鴛頸。綠波冷。
寂寞天涯。羈客臨風空思省。問幾時同倚銀牀。露井。
拜幃前。織素小應也。悲哽鸞迴。乍捧處。淚眼炯炯。

喝馬一枝花

送沈茶星宰來賓

李符

片刻離亭宴。杯酒匆匆相勸。紅鸞排小隊。去如箭。一綫
雷江渺渺。籤程遠。山郭門開處。繡頰蠻裝笑。迎榕葉岸。
仙令驂鸞健。應載鮑姑爲伴。邑庭判牘少。晝簾卷。烏
攬陰中聽。吉了聲聲軟。試拈新麈筆。把似畫雲山。寫入
琴邊詩卷。

離別難

同李霖叔送胡則先還柯山 王 翊

殘燭薄鑒離心。愁來漸起微吟。梅枝輕雪凍。和月留清
夢。小軒寒。醉客夜沉沉。情未決。經年別。斷魂零落。又如
今。雲如疊。天連越。人獨歸。西風冷入征衣。五更溪路
白。小艇敲冰出。身結影。淡無依。冬水竭。煙岸闊。亂山深。
處一帆飛。

勸金船

送沈雯孫扶持令祖似之遊粵 丁 焯

鬱孤臺下章江路。渺渺通橫浦。梅霖乍歇蒲風軟。送煙
艇南去。白苧新製。禿袖輕衫。宜暑。蘭漿欲移還住。聽唱
朝雨。羊城荔子殷紅霧。掩暎珠江樹。篋中舊有青箱
句。好隨隱侯賦。別後懷人。應念客牕宵語。爲問何時剪
燭再共揮塵。

玉京秋

寄沈覃九

龔翔麟

江上路。芙蓉正零亂。釣篷疎雨。檝師指點。分湖撐去。水
宿今宵酒醒冷。九前飛。墮雙羽。鷗邊覩。東陽消息。竹垞
傳語。黑蝶齊荒苔圃。伴銅駝。高三十五。可更吟青松
紅杏。西山溪處。料得多情戀。只戀一片吳天雲樹。茜衣

女菱唱秋風待譜。

秋浦雲

錢塘客興

程麟德

足跡逐萍來。正浙江潮信。秋生八月。浦際煙輕。山痕雨
細。天外亂帆吹不絕。空悵望。斷魂長笛。樓頭有人紫綃
獨立。猶憶西子晴湖雲鬢霧鬢。管繁歌急。只今冷蘸
垂楊寒。迎落雁。一段閒情銷不得。惟買醉。六橋明月依
然。天應不負酒客。

滿江紅

平韻

送查聲山之九江

魏 坤

社燕來時漸零。葉片片是愁。輕鞭趁涼生。馬鬣嘶過蘆
溝。可惜酒徒歸未得。青衫更着。向江州。想免華圓影落
郵亭。亭外舟。潯陽路。君舊遊。帆十幅。湓浦收。把軟塵
心事。付與汀鷗。素練冷飛。廬阜色。翠濤響。激石鐘。秋對
一繩新雁。叫西風。吟倚樓。

如魚水

答沈朗倩

周 箕

花舞三臺珠歌一串。周情柳思都兼。拂鬱沉潛。殷雷碾
過層巖。釣綸織。淵魚出藻。動鈎銜。風信峭。坐脩簫譜。殘
英吹。惡亞晶簾。高檻曲。筍峯尖。早蘚露輕沾。竹尾松

髯參差。虧蔽新蟾。帽欹檐。玉山倒翠。袂猶粘。相與笑。正爾阮疎。嵇放禮法。士從嫌。

古香慢

題紅藕莊画卷

李符

疎簾捲雨。小榭吹涼。橫幅煙景。翠亞田田。半礙舞紅窺鏡。占斷一灣香浦。未許漁兒管領。祇容他水鳥淺浴。葉南葉北。棲竝誰得似幽居詩境。篔簹枕風多。午眠初醒。班竹窗陰。白袷幾回斜凭。未見采芳人。算還少波心裙影。短橋邊鎮閒煞。載花方艇。

瀟瀟雨

落葉用江湖載酒集韻

丁焯

疎林千樹脫露秋。山淺黛出寒堤。倩枯黃病紫殘紅瘦。碧合造幽悽。語月敲風不定。暗和峽猿啼。撲簌沙鷗背。驚夢難棲。何處吟情最苦。在夕陽樓北。流水橋西。記綠陰深。鬧鶯展此。曾攜嘆年華飄零爛錦。但紛紛鋪霜徑。短筇迷銷凝候。村煙暝報酉時雞。

錦堂春

卽事

周穉廉

喚雨鳩鵲衝煙鴨。鵲聯拳白鷺成行。接柔綸獨繭木柶。沙棠菱葉受風灘。白棗花單霧峰黃。一望柔藍黯黯暮。

靄昏時遠寺鐘撞。瀲湖乍消袪暑綠陰之下新釀春
缸。仙壇夢穩水簾紋涼。蟹腹綠黏萍點魚牀紅閃燈光。
漸漸黃昏近也。炊火焙薑推起蓬牕。

被花惱

無題

柯煜

木蘭艇子趁微風。雙槳橫塘清曉。煙裏新鶯弄聲小。綠
楊門逕翠苔庭宇。幽夢和愁覺。辜繡幌約殘粧。穿花日
影朦朧照。小立玉堦前一寸相思爲儂道。燕泥啣處
書帶青時。又漸春深了。正紅情綠意兩爭妍。須珍重瑤
尊對傾倒。莫辜負雙髻吹笙人窈窕。

應天長

訓皆山丈

李符

黃泥竹坂白粉蘚。墻溪南煙舍相竝。記得去年燈市匆
匆買篷艇。離尊話猶暗省。忍忘却那回風景。青帘底小
巷紅遮。同倚樓杏。一載未歸人。又聽東風江上喚愁
醒。輸與故林雙燕。尋巢剪花影。長千里芳樹冷。總無意
舞鬟歌頸。茅堂路甚日期君重掃蘭徑。

定風波

周鷗塘種水圖

李符

繞橫塘一帶蒼奩汀花遠接岸草。抱未空山披蓑斷壠

怎比煙波好。藕芽肥。葵盤小。并種烏菱，萬絲裊。深窈。付粉鷗管領，有誰尋到。西風短棹，採秋鮮。獨自歸殘照。向橋根維纜，歡迎稚子。月上柴門悄。紫荷裳。白藤帽。吹笛苔磯，按江調。應笑車聲馬影，人閒昏曉。

鳳池春

李園池上

王翊

一剪莎祠半檐桐。乳白日煖照朱門。向閒園小涉，陰高岸色。又踏吟人舊雨。平池絮花煙漲。柳苗新。韶年漸晚。清和近也。布穀先聞。群峰宛轉相次。俯悠然深遠。樹影無根。記昔浮觴處。至今猶帶酒氣濃春。覽物傷多。故時桃李思沾巾。零香盡待夢來。凄斷黃昏。

紫玉簫

遊天台

王翊

石脈橋山松陰冠嶺。千巖萬壑空埋。飛泉走峽注如虹。瀑布絕壑風雷。深行寂寞。陟丹梯幾尺。莓苔桃花隔白雲。洞門何歲重開。悠然人獸稀迹。漸日月無光。積草紛來。攀援力盡。向峰心招虎負。至僧齋。煮胡麻。一杯飯屑。暫息饑懷。仙根在更宜。獨居雙闕瓊臺。

絳都春

朱乾生招飲湖中

王翊

楓林半綠尙留影不散。黃先下。湖水始波短照斜明。
蘭橈駕。清秋小鏡芙蓉下。空露起垂楊絲挂。遠山橫抹。
離披晚色雜雲參。瀟灑。吟觴賦笛。嘆偶成野醉高。
懷陶寫。疊曲控音。漉酒遊魚。初煙瀉。西風歸路闌闌夜。
歌韻遠。蓮寒香寡。平沙月出無人白鷗來也。

月下笛

與前體微異

本意

柯剛燦

何處樓頭一聲寥亮。費人清淚。珠簾外。可是石家舊歌。
吹。依稀纔度東牆。遠却宛轉吹殘流水。料斜橫翠靨那。
人猶在。梅花香底。傾耳。清如此。想翠竹經霜正欺寒。
袂。江雲凍合。沙邊落雁驚起。關山萬里。凄凉月。問憶著。
昭華曾未。纔三弄。又還停。可好識桓伊幽思。

解語花

題美人捧茶

萬錦雯

春光欲醉晝漏初長。繡閣拋針線。重勻嬌面。薰籠畔。漫
把鳳團親碾。銀濤輕濺。早檜雨松風滿院。捧碧甌半。彈
鸞釵。欵步花枝顫。翠袖暗籠金釧。對清香顏色。一般
婉變。流鶯低囀。驚午夢。喚覺江郎還倦。倩題團扇。指架
上茶蘼開徧。待飲乾去捲珠簾。放入雙棲燕。

乙巳中秋

毛重倬

煙消桂苑露滴蘭堦素魄當三五玉蟾方吐金波上澱
灩碧天蒼浦關山脩阻相望處今宵月午夜溶溶林影
參差秋在閒閒圃回首鳳城簫鼓記沉香亭畔羽衣
新譜織歌妙舞都何在只有斷雲荒礎蕭條今古零亂
殺武昌樓櫓百年將半獨徘徊人共清輝苦

送李雲田往吳門迎侍兒掃鏡暫還白下和龔

少君韻

鄒祗謨

吳雲不斷楚雨偏神珍重相憐意繡幃私倚烏絲句偷
寫櫻桃小婢學梳時髻纔做出妮人情思問何時持檝
相迎笑看銀燈藥寄語魚牋仔細但身如弱柳三眠

倦起淚痕如水幾番驗都在越羅衫底爲伊屈指也算

得樓中簫史更莫教好夢輕圓勝業坊前李時聞掃鏡有疾

爲雲田題楚天狂客圖

雲田好遊漢浦句爲寶鏡夫人發也

桃花廟口鸚鵡洲邊誰寫離人意插天劍倚肯回顧多
少橋奴魚婢黛峰如髻空日斷騷人遺思憶當年漢浦
投珠莫負同心藥一片雲濃煙細想漠漠江天悲秋
頓起吳山越水好收拾偏貯錦奚囊底風流舉止應只
有蕭然圖史到他時黃鶴搥翻都識青蓮李

大士雲臣過梅廬納涼同賦 曹亮武

半軒山影一徑桐陰堪與消長夏池灣石罅紅魚戲故

把苻絲輕惹。簾紋如砑。欵小枕北窗風下。夢回時一種幽香。是閩蘭開乍。此外萬緣都謝。只相過不厭舊日游射。科頭水榭。便掀髯共對奕。而持竿。宛然圖畫。看酪酏還能舞蔗。日西頽欲去。還留待涼生深夜。

換巢鸞鳳

上巳感懷

梅 慙

日煖絲飄。正花開豔粉。鶯語妖嬈。年辰傳社鼓。巷陌起。飭簫。虞山芳草綠。裙腰倩画舸。立長橋。短橋紅衫影。數盡落春潭。低照。情悄。曾經到。曲水圍墻。掩碧桃門小。手撚殘枝。沉吟往事。空把迴廊循繞。寂寂誰招麗人時。堂堂恐負韶光好。新蟾梨院晚來愁緒多少。

味道院棗聯句

黃庭載山 姜 遜敬直 陳 枋次山 蔣景祁京少

纂纂墻東。山載正陰垂列棘。撲向鄰翁。京少香傳瓜架雨。實

結麥。勝風。山次幾迴欲剝待成。載敬直光搖颺。趁斜陽晚紅。

山載依稀記海上。是游仙同夢。京少同夢弱好弄。敬直少小

扶牀憶相推伯仲。山次今日看承。似曾經處。珠樹琳宮。桂

棟。京少膳設安期。種誰遺。猜教饑朔。驚偏中。山次鄉愁早也。

銷人半晌吟。諷。敬直

湘春夜月

池上書所見

柯 煜

小池塘。霎時雨過蒼茫。爲笑滿院薰風。只是亂紅裳。幾
點蜻蜓翡翠。向釣絲衣桁鬪盡輕揚。碧闌干低處。紅魚
紺蜨。儘帶幽香。雙雙乳燕竝來波面。幾度迴翔。何處
清音。是靜裏林蟬初噪。遠隔垂楊。鷺拳一足。立晴沙似
愛新涼。這次第。算花間越女。來時憎殺。曲岸鴛鴦。

水晶簾

題瞻亭真意齋

柯煜

孫綽風流處。算庭前惟有長松一樹。吟榻安時。對草色
苔痕碧浮簾戶。玉塵揮風。煩暑淨。瀟灑巾綸扇羽。坐凌
晨點易南窗。研朱滴露。此中有真意。恰游魚相樂。幽

禽來去。人迹雙清。有古鬲香焚。清徽琴撫。物外吾廬。吾
自愛。三徑不沾塵土。問他時。共和羊何。君還許否。

龍山會

九日霽園宴集

柯崇樸

別墅尋山屐。載酒重來。秋水清無極。霏微簷溜滴。晴霽
處。乍捲浮雲西北。一雁下長空。霞似綺。斷煙凝碧。桂叢
深。餘香漸老。未堪多摘。高樓獨倚闌干。亭榭西風。吹
散花無迹。開樽逢九日。憑夜永。翻盡新詞。昔昔好景復
良辰。更休問羽人雙鳥。習池畔。山公醉倒。料應拚得。

西湖月

暮春月夕同遠士蘅圃飲藕花居上酒闌放歌
不減日湖送春嘯翁采綠時也昇州雁旅追往
增愁用黃蓬甕自度商調賦情 李 符

雙清樓外花橋壓鈿鏡空波剪尊春晚索郎酒載蓮泥
插槳草堤鋪毯新蟾容易墮趁斷港漁燈尋麴院祇恠
得未了吟情楚尾燕樞催散 昔遊惱亂廻腸是挑菜
收裙倚桃遮扇舊鄉凝望可堪又對敗蘆沉雁秋巒楓
似錦終不比孤山青一片况那日紫曲閒門譜簫人遠

惜黃花慢

舊寓

王 翊

竹密空廊有暗螢流燄靜照蛩床一園荒盡故多身迹
風高自剪梧葉參黃小池浣月澄初夜淡波起澱影浮
涼問画堂何年客散燭冷秋光 殘夜委棄陰房嘆碎
供鼠嚙色變絲傷玉人去後銀寒笙舌璇機織罷紗壞
煙窗素砧不到閒雙杵柔莢染粉澤猶香夢異鄉半宵
被掩輕霜

奪錦標

陪朱竹垞先生弘衍寺看海棠 高 騫

小帽編藤短衣抽絮重悵一春殘矣甚處尋芳弄影且
挽輕鞭共穿蕭寺指紋窗六六話前度花陰深蔽甚消

沉老幹參天。宛似顏家園裏。魚鑰雙扉不閉。宛轉墻
腰別映數枝濃麗。笑看千絲搖動。方困蜂魂未銜鶯齒。
縱無多媚色。尚依稀。瑤臺人醉。勝來青舊閣。全蕪夢去。
豈存煙水。

選冠子

聞秋虫有憶

朱茂暉

半枕餘衾。一簾涼露。四壁秋虫凝聽。淒其訴月。斷續吟
風。不管孤眠不穩。還似初離別時。絮語噥噥。柔情耿耿。
助幽懷。做出悲涼情緒。伴他長恁。記那日。步襪宮彎。
蒼苔移印。寫盡梧桐清影。迴廊笑織。曲檻鳴絲。攜手紅
樓嬌俊。誰分今宵對伊。荒館敗籬。喚人孤另。嘆行雲何
日重逢。枉憶露臺金井。

瀘江月

寄滿願

顧貞觀

記寒宵攜手。一籬新月。三徑微霜。臂綃乍惜。殷紅減。平
生意。百劫難忘。爲我飄蓬。由他飛絮。惡風吹墮。何方燕
臺尺素。猶自祝勝常。恠啼痕。浥透香囊。心知從此別。但
寄聲珍重。莫更思量。蜀道如天。侯門似海。陌頭容易盼
蕭郎。除非是。星軺建節。瞥認疎狂。縱然金屋深藏。清
笳拍遍。料依舊。情傷。側身西望。貂褸贈。雙鱗杳不渡瀘。

江。巴。燠。煙。迷。牂。牁。瘴。合。夢。魂。可。到。家。鄉。身。衣。門。巷。別。後。
總。淒。涼。又。誰。過。昔。日。幽。牕。掃。看。安。鏡。任。泥。翻。燕。壘。蜜。滲。
蜂。房。黃。菊。休。開。紫。薇。空。老。見。伊。枝。葉。幾。回。腸。歸。來。也。重。
逢。滿。願。願。滿。纔。償。

梅影

金校書文璧爲余寫照

顧貞觀

好。寒。天。正。孤。山。凍。合。誰。喚。覺。梅。花。夢。瘦。影。重。傳。自。簇。桃。
紋。獸。炭。偎。金。斗。微。熨。芳。牋。更。未。解。鸞。膠。絳。脣。呵。展。纔。融。
雀。瓦。酥。手。親。研。土。木。形。骸。爭。消。受。丹。青。供。養。况。承。他。十。
分。著。意。周。旋。不。寧。說。要。全。刪。粉。墨。別。譜。清。妍。憑。肩。端。

詳。到。也。看。側。帽。輕。衫。風。韻。依。然。入。洛。愁。餘。遊。梁。倦。極。可。
借。逢。卿。憔悴。不。似。當。年。一。段。心。情。難。寫。處。分。付。朦。朧。澹。
月。暈。秋。煙。披。圖。笑。我。等。閒。無。語。人。憶。誰。邊。卿。知。否。離。魂。
縱。遠。也。應。只。傍。東。臯。別。墅。乍。浦。回。船。甚。日。投。簪。五。湖。
歸。去。画。看。郎。還。向。画。中。圓。且。緩。却。標。題。畱。些。位。置。待。虎。
頭。癡。絕。與。伊。貌。出。嬋。娟。彷彿。記。斷。紅。浮。玉。笋。輕。碧。裊。珠。
鞭。淡。粧。濃。抹。俱。瀟。灑。肯。教。輕。墮。塵。緣。便。眼。前。阿。堵。聊。供。
任。俠。蚤。心。空。及。第。擬。證。枯。禪。竝。命。雙。棲。休。認。作。雪。泥。鴻。
瓜。從。今。夜。省。識。春。風。紙。帳。眠。須。信。傾。城。名。士。相。逢。真。箇。
相。憐。

長州

守典

陽

宜

廉

思

想

瑶華集卷二十一

南鄉子 一首

望江南 六首

如夢令 一首

生查子 三首

點絳脣 三首

浣溪沙 八首

減字木蘭花 四首

菩薩蠻 二首

好事近 一首

清平樂 三首

誤佳期 一首

阮郎歸 二首

看峰碧 二首

畫堂春 二首

武陵春 一首

山花子 一首

柳梢青 四首

少年遊 二首

迎春樂 一首

南歌子 一首

杏花天 二首

鷓鴣天 二首

南鄉子 二首

玉樓春 一首

虞美人 一首

踏莎行 一首

小重山 二首

蝶戀花 二首

漁家傲 一首

青玉案 四首

感皇恩 一首

驀山溪 二首

洞仙歌 一首

惜紅衣 二首

滿江紅 四首

惜秋華 一首

掃花游 二首

水調歌頭 四首

滿庭芳 六首

燭影搖紅 二首

聲聲慢 二首

長亭怨慢 一首

夏初臨 二首

西子妝 一首

月華清 二首

瑣窗寒 一首

念奴嬌 九首

東風第一枝 九首

木蘭花慢 一首

珍珠簾 一首

齊天樂 三首

澡蘭香 一首

喜遷鶯 一首

綺羅香 三首

尉遲杯 一首

二郎神 一首

解連環 一首

望湘人 一首

望海潮 一首

疎影 七首

惜餘春慢 一首

沁園春 三首

摸魚兒 九首

六州歌頭 一首

小諾臯 一首

稍遍 一首

南鄉子

念奴嬌 偶成

丁 煒

樓鼓三通。淡雲初破。月朦朧。風定曲闌蕉影。颭門掩。小語紅窗燈一點。

望江南

宿宣和古廟

佟國鼎

覓宿處。落日映山紅。百尺松濤吹晚浪。幾枝樟蔭挂秋風。歸夢繞關東。

春

王 倩

江南好。煙雨結重臺。二月街頭挑菜去。百花溪處打魚來。惠水幾瓶開。

夏

江南好。綠樹接紅橋。桃葉渡江人似雪。明珠濺雨酒如潮。清暑一簾消。

秋

江南好。湖水出堤清。拂岸香羅花有暈。漫山惡管雁無聲。

聲涼月漾沙汀。

冬

江南好花障十三樓賣酒厨孃紅半臂坐船商婦錦纏頭盡日雪中游。

晚步

袁揆燮

新雨過遠綠泛晴霞花底輕煙迷蛺蝶柳梢殘日帶歸鴉春思在盧家。

如夢令

春行

王倩

鳳管鵝笙成串金粉銀泥一片緩緩踏春陽鶯嘴喚回人面曾見曾見又被杏花遮斷。

生查子

春暮

周篔

徑轉翠屏開一片荼蘼雪不待晚粧成自下香堦折鶯是故園鶯月是當時月誰分比來心祇覺看承別。

雪中有懷

吳沐

寒風吹繡幃寶鼎沉檀爇雪壓小橋邊路斷行人絕瓊瑤一望空牕外梅梢折遙憶玉樓中指冷簫聲咽。

春思

王鴻緒

青郊白玉驄碧草嬌春色何處冶游來兩兩黃金陌。

煙柳鳳城深。雨後鶯如織。獨有倚樓人。徒倚朱簾側。
點絳脣

嚴都諫顯亭水檻

朱茂暉

雜珮聲珊珊。潏潏一曲迴平檻。桃花沿澗。落盡餘紅片。
翠竹新篁。蝶影深深見。桐陰遍。晝長人倦。一枕疎簾遠。

感懷

王項齡

風送行舟片帆斜。入江天暮。亂雲古樹。依舊來時路。
回首金焦。不斷傷心處。愁無語。一般歸去。強作悲秋句。

秋怨

儲福觀

鴛瓦霜寒。傷秋無賴。誰知道。綺窗人杳。一枕捱新曉。

莫聽琵琶。心上離愁繞。添煩惱。潯陽江草。悔見來時好。

浣溪沙

春閨

張光曙

風颭湘簾翡翠還。二更新月占朱欄。綠楊飄影繡重垣。
羅袂籠時金釧暖。鳳裾垂處玉弓寒。寂寥庭院海棠殘。

旅懷

張集

輕煖輕寒日易斜。半山半水路方賒。春深無影倩誰遮。
客舍蕭蕭。憑好夢。故園日日想開花。去年雙燕已還家。

西城憶舊

曹寅

小梵天西過雨痕。無窮荷葉映秋雲。回輪如水不揚塵。
半市銀鱗呼白墮。一樓銅杵咒黃昏。江南野客最消魂。

又

燕繞圓城故故飛。玉欄十二晚風吹。遠山一抹學蛾眉。
白兔有胎蒲又綠。秋光無處說相思。路人拾盡碎燕脂。
免胎玉笋
見遼遺史

又

曲曲蠶池數里香。玉梭織手度流黃。天孫無暇管淒涼。

一自昭陽新納錦。邊衣常碎九秋霜。夕陽冷落出高牆。
蠶池明時宮人織錦之所後與納錦焉今止有故基雲機廟而已

無題

柯煜

煙外飛絲送百勞。玉窗人倦晝無聊。微風吹夢過平橋。
芳草一堤嘶綠耳。画船雙槳趁紅潮。醒來斜日杏花梢。

又

笛向杏花村裏吹。身從芳草岸邊飛。野煙生處醉吟詩。
小市懸燈沽酒夜。估船爭渡落帆時。歸來楊柳月絲絲。

閨思

柯炳

雨冷風寒不可聞。小闌花迳欲黃昏。銅壺初滴漏聲沉。
翠幌不堪燈伴影。綺樓只有燕依人。一襟幽思向誰
論。

減字木蘭花

題画

王崇簡

萍浮翠帶。奩鏡波明鷗岸外。欸乃聲低。一抹遙林雲影
迷。蒲帆路轉。煙火霏微村巷遠。旋失沙尖。雞犬聲中
出酒帘。

花前

魏勳

鶯啼處處似惜春光。留欲住。啼向花深。作伴花間載酒
人。花飛不定。幾尺落紅迷曲徑。漫放尊空。一晌春光
夕照中。

品香

曹寅

篝燈似水。一縷寒絲拖不起。漸解春冰。裊裊愁遮龜甲
屏。靈開心路。虫也何知消得妬。懶慢依人。千古清評
定許荀。

春風何處

王曜升

春風何處。燕隔珠簾啼小樹。曉日侯家。犬帶金鈴臥落
花。打圍郊外。曲室紅粧燈底待。索酒橋頭。別館青衣

馬上留。

菩薩蠻

閨情

吳懋謙

傷心莫看樓頭月。雲窗黯澹燈明滅。惟有薄羅裳。愁人
共夜涼。風吹簾幙動。驚醒鴛鴦夢。香冷倩誰溫。更闌
正掩門。

江上

程文彝

寒江不斷東流急。晴嵐不改當年色。山水送韶華。紅顏
付落花。玉樓人伴月。金井飄梧葉。銀漢碧天高。燈前
一曲簫。

好事近

春晚

賀 宿

草綠蝶香濃。惱煞妬花風。雨後落英幾許。向画橋流
去。夕陽醉起疑初曙。夢斷聞鶯語。又是晚霞零亂。嘆
人歸何處。

清平樂

題楊柳次旅店壁韻

徐嘉炎

惱人楊柳。官道低垂手。綠淺黃深隨處有。可似江南春
否。輕風吹雨廉纖。都來一味慊慊。憔悴已非張緒。銷
魂却比江淹。

送臘詞分賦画勝

陶爾穉

瑞圖勝字。飛白閒書地。隔院燈光人語細。私祝勝常如意。曉來喜氣當關。分明巧樣連環。幾日鏤金錯綵。又看扶上釵鬟。

無題

孫致彌

團圞人說。比似雲中月。子細形相還自別。只恁長圓無缺。合歡暈綠成陰。熏風輕拂瑤琴。恰有蓮花並蒂。伴他梔子同心。

誤佳期

戲題沙上

王倩

揮手筆花成陣。不仗煙帮露襯。相思兩字寄平沙。魚雁都無分。屈指數歸期。莫負黃花信。西風江水摠浮沈。錦字如何認。

阮郎歸

暮春

朱茂暉

江南三月菜花黃。風和聞遠香。少年行樂趁風光。叢莎圍坐長。桃爛熳。柳低昂。依陰翠幙張。玉人樓檻倚微茫。魂銷正夕陽。

桃花

吳沐

晴雲送暖入花枝。穠桃初放時。翠茵點點落臙脂。黃鸝

隔樹啼。紅雨亂。綠煙低。仙源望欲迷。幾番消息任東西。春風着意吹。

看峰碧

本意

曹寅

感得郎先愛。誰假些兒黛。憑你秋來那樣山。不敢向奩前賽。掃盡從前派。秀色真難改。喜淺愁深便得知。天教壓在秋波外。

閒情

丁燁

樓角昏斜月。蠟淚銷殘跋。膩玉溫香已帶人。那待把相思說。含笑尋珠袜。畱盼堯蓮屨。捺亂鬆雲着意簪。防他斜溜雙金蝶。

画堂春

春院

馮瑞

晝長人靜画堂空。曲欄花影重重。綠楊陰下海棠中。記得相逢。環珮聲遲瑤砌。綺羅香透雕櫳。而今回首晚煙紅。滿院東風。

閨情

王鴻緒

東風軟。透露花香。開簾燕拂流黃。曉霞明媚。映紅妝。新樣睂長。斜倚朱欄獨立。低頭笑撚垂楊。夜來清夢到瀟湘。今日思量。

武陵春

贈延陵許雲章

陳渾

記得武陵溪上住。洞口遇神仙。邂逅飛觴奏管絃。堤柳別情牽。煙雨樓邊春正好。相見已皤然。此日西湖問画船。又是十多年。

山花子

郊行

丁焯

秋老丹崖落葉黃。金飈吹送岸花香。煙水淨堪垂釣去。味滄浪。遠岫亂雲低夕照。平橋疎柳帶村庄。我欲攜家浮舴艋。稻魚鄉。

柳梢青

靜香樓四時曲

李孚青

春

十笏窗晴。春山樓上。旭日初明。纔點花瓷。輕翻銀葉。且諷黃庭。耳邊學啁雛鶯。聲細澁微茫。暗聽飄入。溪光吹來。沙際楊柳梢青。

夏

百尺軒牕。容卿高臥。雅稱疎狂。枕上羲皇。胸中冰炭。只自尋常。游仙夢也無妨。花底鬧雞虫。渺茫。倏見新桐乍移。初月又讀殘唐。

秋

野色吹晴。水天一碧。桐子螺明。鏡裏憐潘。風前感宋。惆悵閒庭。隔枝猶轉殘鶯。入杏靄。漁榔漫聽。霜冷蘋花。煙輕蓼葉。盪破空青。

冬

愁霧盈牕。擬教偏塞。不許清狂。萬卷煙零。一編珠玉。足我家常。袁安臥定無妨。渾不礙。遙天真蒞。好共求羊。何論魏晉。管甚隋唐。

少年遊

送陳雲銘入都

魏允扎

殘春時候。離人心緒。此際忽交并。花裏鶯邊。尋常送別。垂老怕關情。看君遠上長安道。行李一鞭輕。風絮茫茫。春隨人去。不禁暗愁生。

前題

錢永基

一片花飛。送將春去。更欲送王孫。雞鳴斜日。馬嘶芳草。人度綠楊村。舊游幾載。逢迎處。湖海氣偏尊。若向長安。故人問我。爲道舌猶存。

迎春樂

送臘詞分賦春聯

蔣之達

辛盤餞歲人微醉。指拂凌雲氣。倚雙行椽燭。搖紅膩。把

十樣桃。試儷句。摘玉臺佳麗。法書做蘭亭。道婿何處。紗籠淺導。又索宜春字。

南歌子

曉景

楊瑄

鴛瓦霜花繡。紗窗曙色烘。初溫錦幄正朦朧。無奈數聲啼鳥。隔簾櫳。看黛輕勻綠。胭脂淨洗紅。半鈎殘月帶斜鴻。早見一枝梅破。小春風。

杏花天

寒食郊行

丁焯

柳煙黎雪東風晚。巡繡陌。曉寒乍淺。草香泥潤金羈緩。隔水賣餉聲喚。春欲去。游絲難罥。聽軟語。無聊鶯燕。飛紅暗綠。誰庭院。人試輕衫小扇。

前題

丁焯

玉驄嘶斷斜陽晚。漸踏遍。裙腰草淺。賣花聲過西樓緩。不見隔簾人喚。垂柳外。秋千還罥。但剗地香泥掠燕。新煙籠燭。迴深院。低裊雀屏。画扇。

鷓鴣天

題王丹麓聽松圖

張光曙

摩詰風流與俗殊。高懷坐擁百城書。種來庭樹龍鱗老。靜對湖光夕照疎。冰雪卷。盡驪珠。文章山水足清娛。

虛窗五粒聞清響。還似仙人陶隱居。

重陽追憶吳觀岳

孟士楷

鴛瓦朝來徧薄霜。菊籬蟹舍滿江鄉。風流已失桓司馬。解襖空傳費長房。鴉舅赤木奴黃。幾絲淚雨溼重陽。去年也是登樓望。目斷蘋洲雁一行。

南鄉子

秋懷

丁焯

秋恨最無端。梧葉蕭蕭獨掩關。芳草墻陰啼促織。聲殘鴻雁來時。客倚闌。人自故鄉還。聞道鱸魚尚可餐。張翰扁舟何日返家山。夢遶蘆花月一灣。

曉睡

王倩

宿酒隱流霞。白玉牀溫珊枕斜。一晌華胥濃睡裏。由他將護春風。芍藥花。咒殺小金鴉。又被鄰姬喚賭茶。好夢問伊何處去。猜差。不道巫山是妾家。

玉樓春

閨情

徐恪

秋千庭院重門閉。濃睡不消殘酒味。晚風吹徹綠陰天。郎馬不知何處繫。空傳消息歸來未。正是春愁花滿地。手按紅杏落莓苔。鬪鴨闌干還獨倚。

虞美人

聽韜兄話金陵之遊

查嗣璉

水楊夾岸離宮閉。曾是繁華地。梅家鵝鴨薛家羊。剩想
舊京風味酒壚傍。匆匆打槳催人去。津鼓潮頭路。輕
裝東下只扁舟。不載桃根桃葉也風流。

踏莎行

卽席有贈

鮑鼎銓

桃靨飄英柳眉飛絮。佳人唱徹黃金縷。閒愁無語倚東
風。啼鶯不管春光暮。煙灑平蕪水添珠浦。王孫玉勒
嘶何處。惱人雙燕故飛飛。新愁又送花間雨。

小重山

春閨

王熙

斗帳香濃怯影單。屏山深晝掩。小窗寒。鈿蟬銀甲罷雙
彈。羅衣擁。獨自倚闌干。墻角杏花殘。韶光餘幾許。漸
闌珊。樓頭微雨怯輕紈。閒消瘦。暗覺繡裙寬。

初夏

徐恪

日煖煙柔江上村。碧虛清影動。碎苔痕。古槐高柳翠陰
繁。薰風過。却掃綠蘿門。竹院晚餘曛。新移琴石好。坐
籬根。披襟一曲寫潺湲。星光閃。峰頂月黃昏。

蝶戀花

閨情

王鴻緒

臨水樓臺簾半揭。入暮涼生。殘靄微明滅。細柳藏鴉遮不徹。一時啼上黃昏月。獨倚朱闌人憶別。露重花香。冷透凌波襪。吹罷玉笙珠漏歇。鴛鴦雙夢醒時節。

美人紅甲

徐洪基

日午紗窗初罷繡。斜托香腮。一捻春蔥瘦。銀甲纖纖新染就。画屏深處拋紅豆。妝點風流全勝舊。不許郎看。褪入輕羅袖。掬得花枝和笑走。回身更把闌干扣。

漁家傲

本意

王倩

二頃葑田八口累。三間茅屋千錢稅。爭似五湖煙雨翠。春漲退。釣竿拂處珊瑚碎。水面自將鷓鴣配。人間不逐鴛鴦隊。指點鱸魚堪做鱠。村酒醉。荆釵落在蘆花被。

青玉案

高澹遊招飲顧園

蔣平階

多君嗜友濃於酒。又向名園卜畫池。面涼颺吹欲皺。雞頭新綻。蟹螯微瘦。正是初秋後。風流人似西園舊。素絹花牋攜滿袖。戲罷藏鈎還射覆。娥娥粧粉垂垂纖手。暗裏拋紅豆。

自題楓香詞

宋犖

楓香橋是黃州路。曾岸幘扶筇去。一望霜天風景暮。空

山流水白雲紅樹動我悲秋賦。於今塵夢高歌處。聊
取嘉名錫癡語。蘭畹金荃休見妬。花間低按尊前輕度。
總愧江楓句。

同黃聖貽泛舟橫塘

孫致彌

十年不踏行春路。重載酒尋山去。曲曲疎林帆影度。鷗
邊寒水雁邊斜。照多少關情處。生煙一抹鱸鄉暮。紅
葉休題怨秋句。青箬綠簑心久許。終須買箇檣頭船子。
醉聽雙橋雨。

泊吳門簡丁筠雪用賀方回韻

周 貧

雲帆西指吳臺路。重繫纜遲歸去。爲記魚書傳兩度。襄
陽吟苦。長江詩瘦。曾是相憐處。望中搔首河山暮。玉
案難酬舊題句。爲問新詞填幾許。白龍潭上青楓林畔。
賦得瀟瀟雨。

感皇恩

送臘詞分賦祀竈

陸祖琳

欲寫送神詞。期期口吃。未識相求致何物。黃羊也少臘
釀一杯。聊設世人工解媚。予偏拙。髣髴雲旗。迴翔雨
雪。幸附瑤牋。寄天闕。爲言孺子久厭人間。因熱樵蘇。長
不爨。臣之笈。

漢郊祀志李少君以祠竈方見上言可致
物搜神記宣帝時陰子方以黃羊祀竈後

致巨
富

驀山溪

戲贈

朱茂暉

雲藍小袖約素隋堤柳。翠黛遠山橫。描不就。一雙睂秀。嬌波明盼。着處更留人。情初逗。盃殘酒。雙陸垂纖手。芳心半有。玉紐教郎扣。不道解相思。恁花枝。爲誰消瘦。幽牕曲檻。燈火二更餘。歡未久。宵空負。那正歸時候。

題雪漁圖

王崇簡

凌空泛去望裏驚銀海。抖擻綠簑輕。看遙嶺。花飛一帶。敲冰得鯉。醉倒玉壺春。酣餘態。人應恠。明月渾疑載。斜風細雨。曾記浮西塞。白鷺剪同雲。更裝就。模糊色界。羊裘澤畔。翻惹客星占。風塵外。軋坤大。尙有元真在。

洞仙歌

題漢瞻望雲圖卽送南還

高騫

燕歌易酒恨相逢。未款幾日西風。又催散。趁柳枝黃暈。柿葉紅翻。魚雲外。去逐一繩新雁。東吳秋正。美尊脆鱸肥艇子。開篷坐張翰。鄰犬吠籬根。菱角迎來。話白髮。含飴猶健。只可惜拋儂未歸人。對十里湖橋。暮蟬悽惋。

惜紅衣

薑

魏坤

瓜堰分區蔗田接岸。一脰香滿。障影疎疎。筠簾織來短。

新芽茁後聽竹外乳鳩低喚。畦畔紅到柔尖。割霜根纔
半。腥風剪斷。縷鱠糝羹。香橙也同薦。寒糟配入芳氣
襲冰椀。悵自故人難致。客裏暗銷吟管。想舍南幾稜雨
浥病花秋晚。

前題

青豆成行烏菱小市。掌痕新紫。戴土裝來。撐過淺沙紫
吳姬喚買。正露白。尊香天氣。纖指紅縷。脆絲把霜螯初
試。分蔥配豉。除了。豈何人厭辛味。燒燈夜剪。輸與
白芽美。聽說水村荒。空有月明千里。對朔風寒色。藥
裹伴他憔悴。

滿江紅

壬子初度述懷

賀國璘

撫景何堪回首處。茫茫如此。又何俟。人生五十始知非
是。白髮攤書貧未病。青山荷鍾生同寄。論臣年壯且不
如人。今老矣。斑衣舞慚甘旨。牛衣泣慚青紫。任馬牛
呼我從而唯唯。得失寸心千古事。浮沉廿載平生恥。但
百城萬卷願還賒。空言耳。

又

已矣無聞更誰許。十年聲價都莫問。今時絳灌舊家王
謝。收拾窮途。雙眼淚不須頻向西風灑。倘各山留得一

編存何求者。結老屋南山罅。種老菊東籬下。且友求
秋士。人逢春社。賤子餘生。憑杖屨。少年同學誇裘馬。製
荷衣。閒伴隴頭雲。躬耕也。

疊前韻答陽羨陳其年時將遊 都門并寄兄

子孟循

咄咄書空曉人意。不當如此。悔往日百端交集。都無一
是。有夢還歸泉石處。此身合向漁樵寄。道浮生最誤。是
浮名知之矣。褐似錦。茶如旨。秋月白。秋山紫。便北邙
狐兔呼余卽唯。長謝功名從世賤。不如農圃真吾恥。問
英雄不朽欲如何。欺人耳。

又

天地吾廬更不向。山靈問價。任春去。東風吹遍。花開
花謝。隨意扶筇。丘壑待放懷。潑墨煙雲灑。笑狂夫自詡。句
驚人。庸庸者。攜柑酒。溪林罅。停絲管。啼鶯下。放高僧
據座。閒鷗入社。昨夜江南聞蚤雁。此時塞北嘶秋馬。便
因風寄語耦耕人。歸來也。

惜秋華

夜集東谷草堂同禹平青士賦 鄭 培

乍檢歸裝笑。征衫難浣。有家翻寄。風送旅愁。霜葉一庭
交碎。休誇醉瑟吟鞭。早十載香銷形瘁。遙睇更江天雁

書幾緘客淚。渺渺剡溪水。映秋奩如雪。喜輕舟借艤。鱸尾尊絲肯負者。番情事。新詞舊雨。同題剪殘燈曉窗。還倚行未。計重逢。又明年矣。

掃花游

一葉庵訪拙野上人

王庭

溪流四遶。住一葉團瓢。窗開三面。桑麻影見。更漁歌牧笛。梵音相亂。爲訪支公。徑過小橋西畔。入門看。正塵講罷來。裙書零案。來往未曾厭。記細雨寒初。夕陽秋半。閒情自遠。問幽蛩何訴。晚花偏豔。木葉蹊深。屐齒清聲踏遍。流年換。又春風落殘梅瓣。

咏草

李符

凍泥潤雨。漸寸寸香芽。翠平如剪。東風不管。任遙村密驛。儘教生徧。滿目萋萋。只有城闌未見。望中。點老樹舞紅。巴錦新浣。南浦殘照淺。是甚處。鈿車冷痕初碾。帶愁無限。認家山來路。總迷春眼。江口青連。分出柔波一線。画簾卷。惹窺樓曉。梳人怨。

水調歌頭

溪泛

葉藩

猶憶大江上。歲歲逐征鴻。曾經崩濤駭浪。一葉坐長空。路自潤州城發。帆指鄱陽湖去。獨看老人峰。今日泛煙

艇蓑笠對漁翁。微雨過新漲遠。藕花紅。四山蒼翠欲
滴。迴棹轉從容。漫說舊時踪跡。只念故鄉雲水。家在五
湖東。最愛溪光好不羨馬當風。

同朱竹垞周青士登燕子磯

柯崇樸

陡起渾如削壁立。俯空濛濛。波濤嚼嚙。山足震盪。失魚龍。
東下長江。縈帶南指金陵。蟠踞形勢屹然雄。縹緲子亭
上。疑是躡飛鴻。攜伴侶。閒眺望。迴臨風。山川迤邐無
盡。長嘯碧天空。塞雁汀鷗。出沒楚柁吳檣。歷亂圖入暮
煙中。試爲燃犀照。應直瞰蛟宮。

憶金陵

魏憲

白下舊遊地。燕子浪掀天。秦淮花柳如霧綺。閣鬪雲妍。
盡日笙簫沸起。人在醉鄉深處。終夜抱琴眠。豈意鍾山
樹。衰颯繞寒煙。渡揚子。登北固。思悠然。金焦影裏江
月依舊向人圓。浮玉門前。留帶。瘞鶴江濱。埋石佳話憶
當年。空有江南曲。流恨入新絃。

怨別

袁揆燮

曉夢鴛鴦穩。淡樹鷓鴣啼。闌干昨夜私語。倏忽便分離。
袖裏同心絲結。衣上合歡繡帶。別恨綰紅絲。花底雙雙
蝶。有意盡情飛。鏡平分。絲中絕影。孤棲多情。自爾薄
倖。何事更依依。儂也休斟鵲。鵲也休噲紅豆。兩地莫

相思珍重加餐飯。去去復奚辭。

滿庭芳

戊午春正王大司馬席上觀燈 歸允肅

春簇庭堦晴搖碧樹繡戶乍扇芳華。蘭膏細蕤栢酒競
傳誇。早是張燈節候。雕闌轉絳蠟飛花。陪遊讌良宵懽
賞不夜火城遮。高槐脩竹蔭鸞停鵠峙簪烏交加。更
輞川佳句麗日蒸霞。人倚蓬山瓊島何須問寶馬香車。
方沉醉銀釭璀璨珠斗報橫斜。

秋日閒居

楊春星

露冷芙蓉煙寒楊柳一天秋色蒼茫柴門人靜碧草映
迴廊砧杵聲聲怨切那堪聽雁度瀟湘闌干畔薜花未
綻桂蕊早含芳。韶光如逝水纔銷殘暑又送新涼笑
浮生碌碌底事棲皇。幸值壚頭酒美莫辜負玉椀銀缸
微酣也閒居漫賦落筆任飛揚。

醉白池

王頊齡

雨潤新篁香傳晚桂池臺水木清華。主人愛客開宴日
初斜。泥飲懵騰欲醉朦朧影澹月交加。溪亭上華燈四
映水面爛銀花。且休論世事龍爭蠻觸猿鶴蟲沙。幸
偷安榆社滿眼桑麻。恰又茱萸初熟持螯對玉盞流霞。
更何羨龍山戲馬高會足矜誇。

代贈

徐嘉炎

弱質依風柔條着雨春深半露情芽。河橋官柳漸綠可
藏鴉。暫趁鶯雛燕乳和飛絮直入人家。誰能殼西冷南
浦自在領煙霞。十年漂泊久虛成昨夢。往事堪嗟。惟
東皇無意閒却名花。此去徒驚憔悴相思路。盼盡天涯。
娟娟月青樓望斷肯到碧牕紗。

廣陵懷古

鮑鼎銓

三月煙花滿城歌吹繁華久說揚州。錦帆天子千古獨
風流。最愛遊傳清夜江南好。柳纜龍舟。消沈久。斷碑殘
碣何處覓丹丘。迷樓橫暮雨。玉鈎斜畔。碧水空愁。只
平山堂下。憑弔。已猶二十四橋仍在。汀洲靜眠穩沙鷗。
經行處。斜陽芳草。粧點廣陵秋。

同諸兄味雲

柯煥

碧縷如煙素衣疑雪。初看點綴長天。翠漪浮動十里淡
晴川。却恠蘋風吹去。些時斷還。又相連。渾難定。朝來踪
迹。羸得楚王憐。當年巫峽裏。驚回殘夢。無數啼猿。算
人間羅縠。誰與爭妍。莫是天孫催織。攜來好。濯向銀灣。
更須到翠樓粧就。婀娜惹新鬟。

燭影搖紅

丁巳二月賤辰來仲張燈置酒時蠟梅盛開和

韻

歸允肅

梅蕊塗黃檀心半吐凝香晚。東君着意報芳菲。冷豔枝頭煖。風細湘簾乍捲。清暉映宜春小苑。憑軒月下濯魄樽前。教人歡見。駒隙逢場。天涯知己排佳讌。觥籌頻送漏聲移。四壁華光滿。莫惜更長燭短。際良宵清遊未懶。蘭缸照影茗椀聯吟同心方展。

集詞目成篇

柯煜

南浦鶯啼一痕沙。外桃花水。江城芳草繫裙腰。人醉春風裏。却好時光多麗。一半兒紅情綠意。少年遊冶倚醉垂鞭。一叢花氣。雙鬢雲鬆垂楊碧惹秋波媚。東風第一綺羅香。玉女搖仙佩。調笑沁園春霽。奈薄倖箇儂迢遞。秦樓消息愁倚闌干。闌干萬里。

聲聲慢

細雨

王翊

零光吹碎遠態飄明。依微近人沾灑。冷聚空煙。秋影半溪平野。池塘薄陰生。晝泣餘姿垂柳輕惹。還試問在巴山前夜。水痕多寡。別井梧桐寒盡殘葉潤。西風汨花從寫。意與絲長。何事亂牽愁下。沙外雁知羽重。感飛遲音韻。悽啞更溼。夢斂巫山。留驗鴛瓦。

和持翁八聲體

周穉廉

桃簟雲微杏櫳雨溼敗屏浙瀝風聲蝶撲丁香花梢墜
下鈴聲遙想金丸落處犀簾吹動玉鈎聲六更後聽綠
莎紅葉做出聲聲且自彈絃賭奕無聊甚案頭琴響
棋聲宿酒將醒愁聞燕語鶯聲點點枕花鉛淚滴春江
化作波聲圓曉夢防阿母悄語低聲

長亭怨慢

觀別

李符

望江柳萬絲飛絮隔岸誰家一舟橫渡粉堠遮愁回橋
涵影翠睂嫵凭肩分付聽不見銷魂語風斷淚花零定
散作沙頭香雨人去問天涯此別多少短亭荒浦襪
塵未動帆已挂暮潮生處獨自向小小桃扉忍回首蒼
茫煙樹念惟有今宵院鎖燈昏情苦

夏初臨

本意

宋 學

堤柳添煙苑花飄翠匆匆過了三春雨霽風恬清和撰
就嘉辰閒庭草色如茵映方塘碧水粼粼單衣初試疎
簾乍垂密簾先陳幾多恨葉一片清波沈腰帶減潘
鬢霜新山苾水渺風流何日還親猶記同君看雙雙燕
拂梁塵到斜曛薔薇架邊坐對仙裙

春閨

王 翊

燕重風邊花深雨際。人閒每困春情。綠意延苔重堦。幾日初平。開簾側側寒輕。小牕西。獨自調箏。絃疎柱冷。驚鴻乍飛。曲半遺聲。離心弱。盡暗惜無端。孤魂寄草。一夢消鶯。凝粧又晚。長鬟力倦。難勝。暈入殘睂。視新愁滿鏡。還生淚波橫。啼時漸多。眼未嘗晴。

西子妝

偶感

李符

箏手勝酥。簫唇鬪茜。李態張娟。應妬。回船爭看上歌臺。疊千橈。翠溪無路。紅袖舞罷。似真向館娃宮住。榜陰中。記唐梯初下。凭肩私語。鶯喧處。南曲重尋。幾陣桃花雨。錦鴛雙袖。倚勾闌。是誰將紫雲輕誤。新亭倦旅。淒涼。夢秋來更苦。趁西風。猶遶枇杷一樹。

月華清

甲子人日舟泊楊坪送緯雲

丁焯

錦鷓搖煙。纖鱗戲暖。剪剪麴塵。風軟。遊倦情懷可奈。芳辰晚。晚甚江村。挑菜門荒。只未老青山識面。悽惋。漸澄鮮水樹。冷光如練。蟾鏡半奩。羞滿似淡勻素娥。梅額粧淺。趁雁辭家。幾誤銀旛。釵顫。抽翠縷。且薦春盤。題綵帖。共拈吟管。腸斷。怕帆分草碧。酒醒人遠。

西湖夜泛

柯剛燦

山翠沾衣水苔凝棹載詩艇子來去。淡淡斜陽引我遊
情如許。見若遠若近晴嵐映將紅未紅楓樹。隨處有跳
波游鯉浴沙幽鷺。片霎鐘聲催暮。任橫玉樓頭漫傷
情緒。迤邐紅亭粉壁儘堪題句。攜俊侶。喝月回雲盡餘
歡。停杯起舞。無據算風流往事。斷霞零露。

瑣窗寒

雪

柯崇樸

雲態飄颻風情搖蕩做成花片。漫空亂舞不覺遠山遮
遍。看林臯白玉裝成幾回錯認梨花院。想廣陵潮湧峩
嶠月起銀河光漸。堪嘆浮名絆笑一棹天涯孤征如
雁。小閣輕寒誤却謝庭春晏。問而今野草平沙可能得
似山陰岸。只應同蓑笠衰翁獨釣寒江畔。

念奴嬌

送蔣京少之楚

沈三曾

鳳城西去叩禪關門掩碧梧金井。吟嘯一編聞夜夜倡
和松濤千頃。三尺玉龍五車牙軸。今古憑馳騁。詞場聲
價只今年少誰竝。更美景攬瀟湘遊。撥雲夢撥擢堪
乘興。岸芷汀蘭爭秀處。好向騷人取證。明月山間清風
江上此地饒名勝。奚囊得句何年杯酒重訂。

過煙雨樓

魯超

憑虛一葦向空波。渺渺破煙衝碧。回棟朱簾何處。是只
有荒臺屹立。樹浸鷗汀。雲迷雉堞。野景都收得。殘碑讀
罷。但存苔蘚遺蹟。聞道勝地當年。樓船簫鼓。歌吹迎
秋魄。似此蒼涼。斜照裏。更見誰家裙屐。試問諸君。鴟江
樵墓。來往成今昔。溪山如畫。一聲又起。漁笛。

暮春借蘅圃從白下歸約里門諸子汎舟峽石

分賦

李符

晨裝未解喚疎簾。輕舫且畱君住。緩點筠篙。清鏡裏穿
入濃陰。千樹蝦籠。傾鮮雁壺瀉碧。便作蠶鄉主。蕉衣試
扇團圓。招得吟侶。小小鈿翠春山。無多煙景。最是關
情處。花地燒香人散後。剩有湔裙溪女。藉草橋根。迴繞
沙尾。舊識閒鷗鷺。江南歸客。斷魂重記。前度。

九日幽瀾禪院放生

陳鉞

秋容滿目。正重陽風雨。孤城一片。塔影高懸。雲樹擁絕
頂。遊人似雁。貝葉初翻。天花欲墜。彷彿仁王。甸白衣蒼
狗。悟來塵世都幻。不羨載酒風流。登臨選勝。鬪韻爭
題扇。展過梵宮清坐久。愛聽泉聲飛濺。澤及鱗虫。想同
溪。濃樂事。蒙莊現。前溪分手。疎鐘木葉吹斷。

有贈

孫致彌

蓮花旋舞。有小輩能品。清謳娛客。雪態雲容。看不定。難

辨珮聲釵色。秋水爲神。春山欲笑。十斛明珠直。梁州遍。
徹彩雲無計。留得。惆悵燭影猶紅。衣香未歇。醉眼迷
朱碧。馬滑天寒。歸路遠。好教玉人將息。柳帶深盟。櫻桃
短夢。脉脉芳心識。愁吟誰伴。銀蟾一暈初白。

夜怨

王袞錫

問伊知否。小欄前。幾度花朝月夕。數盡歸鴉。垂窄袖。斜
倚雲屏無力。塵滿豪犀。香銷寶鴨。人靜茶煙息。別時私
語。那堪愁處相憶。獨上近水高樓。玉鉤銀蒜。捲起蜻
蜓翼。野鶯殘陽飛不散。一片青山歷歷。蕙帶新寬。杏衫
乍冷。蓮臉輕珠滴。綠窗風細。誰家今夜吹笛。

隔帳聽雨

曹寅

濃煙肥草。怕春晴不穩。動迷巫峽。敲枕淋鈴。渾莫厭。還
有鳴駝。嘈襍六尺。氈墻一枝紅蠟。怎覓銷愁法。和衣展
轉。南歸竟阻蝴蝶。忽憶細灑叢蕉。軟飄竹尾。唼喋萍
池鴨。入手繁絃。淒又緊。戍鼓朦朧寒壓。昨日歌樓。今宵
沙塞。前世鴛摩榻。茫茫哀樂。夜中獨抱蓮匣。

梁溪道中月夜行舟

柯崇樸

客遊方倦。奈金風微動。征衣吹徹。欸乃歌聲。雲樹遠。艇
子夜來猶發。圓照沉輝。纖娥弄影。眼界增空闊。寒光如
許。沁人懷抱。清絕。兼喜五兩帆輕。飄飄穩泛。衝破船

頭雪。夾岸青山。渾似染中瀉。清溪一折。更斷。誰樓夢。搖柔櫓。草際蟲吟咽。渺然回首。遙村漁火明滅。

廣陵送毛亦史之白下

葉藩

萍踪忽聚。恹旗亭。貰酒相逢。還別。點染楓林。青嶂外。漸過小春時節。雁陣橫空。孤帆南渡。潮滿江聲闊。揚州自遠。石城多少。明月。遙想訪舊秦淮久。辭歌管。剩有波千折。繡幕朱簾。寒不捲。總被暮笳吹徹。欲問遺宮。層層衰草。誰向遊人說。白雲梯在。著鞭應上天闕。

東風第一枝

春日次沈南疑韻

周篔

南浦拏舟。東郊列幕。中甸準擬。攜酒恁教。壓雨欺煙。幾時小桃紅透。魚牋訊遠。要脩禊山陰。人舊。倩好風爲掃。苔茵池水。儘他吹皺。更明日垂楊繞。堠。早今日芳蘭密牖。麗詞一曲。歌成那等。雪兒秀口。無多春色。總莫負燕前鶯後。可憐是幾箇。黃昏多半憶君時候。

游峽山用史梅谿韻

六寺煙深。雙峰黛冷。嬉游時際。暄暖。曲塘。画鷁參差。艤來。荻芽沙淺。嬌春羅綺。映綠淨。波紋吹軟。儘瘦生掌上。誰擎漫詫。倚風輕燕。簾乍捲。垂楊拂眼。門半掩。小桃窺面。歌雲自趁。新粧淚。竹幾巡。古苑微茫。林角挂不盡。

殘陽如線怕後遊晴雨無憑有約也應難見。

又

沈進

曲水移船官橋問柳禁煙已過初暖人家未放花深春
山尙看草淺平隄十里踏徧好青鞵沙軟悵去年巷陌
東風又是壘泥新燕盼不到空迴醉眼愁欲絕難忘
嬌面斷腸慣是濃春銷魂更來故苑香聞何處悵萬縷
窗紗銀線待到家燼了孤鐙夢去夜深重見

又

俞瑒

細櫓衝煙晴波生縠輕風一路催暖曉容隱約雙娥指
點兩山深淺平蕪渺渺也都似繡茵鋪軟問踏青女伴
誰家半鞦鬢邊飛燕逢勝侶暫舒青眼更緩步輕攜
便面夾紗衫子新裁曾記杏花池苑春光穠冶偏繫與
垂楊如線向酒闌簡點閑情早悔陌頭初見

又

顧文淵

蔗雨晴初榆煙禁後晨光變做妍暖客邊些子閑愁與
春較來非淺看人笑語喜路匝靡蕪青鞵仗輿來陟徧
層岡抵暮權迴歡燕百五日早驚轉眼山水趣旋開
生面柳條遠帶鷗沙竹陰暗通鹿苑花梢零亂瞥睨了
風鳶殘線莫近前翠罽羅衣濃態隔林遙見

又

蔡燿

錦陌晴山詞仙酒舫春篙慢點波暖曉煙淡羃漁榔十里紅溪翠淺提壺勸飲漸處處莎田茵輒看飛飛幾剪紅襟多是妝樓新燕過竹院俄驚老眼遮歌扇謾窺半面年年一度尋芳甚處倚桃舊苑画船催去但剩得柳陰垂線便歸來寫盡愁箋總有何人曾見

又

過羽宸

峭挂孤帆遠尋雙岫溶溶漲水新暝蕙紅谿岸桃舒嫩綠山邨草淺層巒古寺映幾樹垂楊輕輓一絲絲故拂行人勾引小鶯嬌燕望大海登高放眼憩恠石掬泉盥面朱闌斜綴長亭紅粉爭來法苑繡幡飄曳問越樣誰家鍼線傍晚來羅襪凌波却喜恁時窺見

又

汪森

載酒尋山催詩訪侶單衣乍試微暝前谿小槩輕捧祇愁碧流尙淺雨餘紫硤便濶逼芹泥香輓那更是片霎相逢無數扇鸞釵燕登峭壁遙舒倦眼臨曲沼迤開鏡面笙歌聽徧重樓鶯花誤疑茂苑嬉春未已蚤搖曳愁心如綫謾醉歸鷗暝圓沙橋外柳陰猶見

又

汪文柏

鴨綠平橋猩紅夾岸波光樹色交暝禁煙時節纔過春事二分非淺輕橈不點但坐穩半颿風輒望陰陰柳畔

妝樓盡捲。画簾招燕。繫艇處晴峰照眼。撲蝶去游絲
吹面。鞦韆綵索。閑來鄰娃共尋曉苑。爭新裙襪費多少。
纖鍼柔線。儘夜歸分付清吟影倦。一鐙誰見。

木蘭花慢

送陸義山請假歸里

秋風生乍浦。香稻熟紫螯肥。任北地黃芽。薊丘紅杏。不
換尊絲。計自草堂人去。白蘋邊。猿鶴甚相思。昨日陳情
天上。宵來夢到漁磯。霏霏薄雪。一些兒。爲爾洗塵緇。
向范蠡湖頭。林逋祠畔。好着荷衣。江楓此時盡脫。倩心
情。只有早梅知。高臥不聞朝請。隨他月落烏啼。

珍珠簾

題楓香詞

錢稱齡

等閒敲出紅牙句。多應是仙骨藐姑同賦。何似舊蘭臺
擅風流。三楚幾疊清商。高雪苑。渾洗却。黎雲杏雨。良苦。
惹雙鬟十八。爭持紈素。那更叔夏蘋洲。到寫生絕處。
頰毫輕度。若待捧吟時定。澆須薇露。調笑郵亭情漫切。
縱怨極。何曾薄怒。如訴莫空江夜靜。一彈再鼓。

齊天樂

秋聲

查嗣璉

西風瑟瑟涼歸候。孤燈自搖窗戶。蛩轉花欄。蟬休葉院。

添灑芭蕉絲雨。纔聽又住。正澹月朦朧微雲來去。菽菽空廊依稀人在。繡簾語。多應枕畔愁絕。厭二十五更好夢頻誤。響玉池邊。飄梧井畔。一片難分竹樹。零礎斷杵。更空外飛來。和成淒楚。別有傷心天涯驚倦旅。

遙送沈融谷之任嶺西

鄭培

短長亭外分襟。淚茸衫帶痕。纔摺花落將離。枝殘禁柳。怕向春明重折。松窗夜月。嘆千里登樓。爲誰圓缺。曾約仙郎一鞭。休負渡河節。年年江上憶別者。番燈底語。渾是淒切。粵嶺攜琴。齊門抱瑟。須遣音書無歇。征鴻謾咽。盼此際雙鳧定飛雲末。多少吟悰。翠箋能幾闊。

筵上燈

柯煥

錦堂春日良游倦。花底玉人初見。歌徹繁聲舞迴長袖。欲把金樽相勸。小鬟低喚。教重帶籠紗。一齊然遍。此際娉婷碎光迴閃。玉容炫。殷勤照人芳宴。正逸爵參差紅生酒面。鮫顚微流蘭心未燼。何用并刀輕剪。寒生色淺。共雅意藏鈎。將伊時掩。欲辨羸輸。更移來試看。

澡蘭香

秦淮午日燈船同黃俞邵徵君龔蘅圃王事家

觀察兄賦

丁焯

汀蒲戰雨水荇牽風綠漲青溪渡口。船張雪幔燈剪冰

丸好趁浴蘭佳候。聽十番鳳管。鵝笙節接靈鼉。競奏舊
譜新聲。尙是開元妙手。侵夜驪珠爭吐。九井龍翻蕩
開星斗。波光激灩。倒映闌干。人面蒸霞中酒。回簾中笑
語盈盈。半露細裙。紈袖指簷角。初月如鈎。漫催清漏。

喜遷鶯

贈張越千翠照亭

鄭培

盧溝西去。看一抹房山。涼分亭午。柳碧窗低。芙紅檻小。
曲曲縈迴如縷。髣髴鴛鴦湖上。少箇嘔伊柔艣。問誰在
數風流。仍是舊時張緒。歸路算幾日。卸却茸衫。兩兩
歡迎處。青鏤勻看。烏絲醉墨。那省頻年羈旅。縱有弄珠
鄉夢。肯許鏡奩耽誤。應笑我甚。因循荒了園廬。畱住。

綺羅香

螢火

王庭

巧入簾中。偷過扇底。清簟俄流星影。乍遠因風。還被回
颼吹近。一點點移上羅衣。恰信道秋來光冷。爲叮嚀莫
去墻陰。且教畱伴夜闌末。香煙將斷。金獸乍滅。蘭釭
胆小。空房私警。熠熠微明。照徹深更。愁醒凝倦。眼殘夢
難成。逗離情。孤衾偏耿。卜人歸。常比燈花。不知誰有準。

新安月潭贈別

賀國璘

映月朱樓。凌雲綺閣。奪目珠簾玉勒。彷彿天台。初遇劉

郎顏色。來迴步紫電光移。短長亭黃鸝聲咽。自相逢落
拓吳儂。此身忘却異鄉客。漫道黯然將別。只歎明朝
岐路。天涯南北。搔首凝眸。正是春歸時節。魂銷處無着
楊花。與闌餘怕題蕉葉。最難堪強撇愁顏。道千金此刻。

素馨花

一名那
悉茗

梅
繁

蠟影槎黃蟾痕。護粉南海種。誰攜取簇簇銀糍。密約玉
川借駐。隨估舶錦荔來時。鬪薌澤水。蕤開處自生成。別
樣幽妍。羞將穠麗倚花譜。芳名記那悉茗。摘點茶清
小覷。不勝看嫵。凉月娟娟。寫出斷魂情緒。私嗅解暈。屬
微醒耐冷。銷逼紗餘暑。把鈿合匣。任幽芬漏。深相伴語。

尉遲杯

題孫愷似梅泚詞

范
纘

絲絲雨。望寒鴉歸向南村暮。瓶蘭影出燈邊。移照研箋
攤處。月情風緒。記孫郎會渡楊花渡。恁尋來萬種奇香
却入螺奩收貯。爐灰重撥煨芋。似貪看停車隔巷新
婦。八字看彎。三分髻。驪爭不教人生妬。從此後夢牕休
數。應留伴茶經和琴譜。但須防粉本流傳。一一鶴聲偷
去。

二郎神

送臘詞分賦門丞

莊
未
言

笑丞哉武曷不學老罷當路。曷不學辛毘持節坐鎮長
是寄人庭戶。金鎖綠沈無恙在做綵燕黏雞伴侶。難道
愛一杯凍飲却勝英雄無主。休住。繩樞甕牖冷清清
處。只合倚侯門相努目好作勢霍家奴怒。画戟收時行
馬駐聽天半鐘聲欲曙。有槐柳行邊。二陸三潘向君延
佇。世說二陸三潘森然與槐柳齊列

解連環

同柘西再送子韶

鄭培

翠箋題遍。悵離亭酒盡夕陽遮面。忍復見馬首蕭蕭。但
衰柳亂鴉。短衣長劍。月冷銀河正凍。合桑乾一片。記年
時。歷歷霜燈。雨菊幾經山店。誰憐軟塵慣染。有圍羞
沈約。嬾添中散。想此去高閣江空。映南浦。曉雲半帆初
展。寫得相思。肯負了早春回雁。謾婆娑兒女花前。小窗
曉晏。

望湘人

水仙

魏坤

盼牆腰月淡。籬角煙疎。霜根雪裏催發。短葉攢蔥。駢枝
綴玉。檀蓋擎來孤絕。一點芳心相依歲晚。忍教輕折。料
冰姿只伴梅花。不受春風窺蝶。曾記繡簾低揭。見數
莖插向。膽瓶幽澈。正香冷窗紗飛上。鬢雲凝結。薄寒剪

剪襪塵微步未許銅盤吹滅對鏡裏幾曲屏山蹙起翠
波千疊。

望海潮

黃鶴樓

鮑鼎銓

嵐氣浮空潮聲帶雨名區自說江湘赤壁峯崎洞庭浩
渺天邊不斷帆檣樓閣俯斜陽正煙雲萬里歸鳥千行
獨鶴飛回忽傳玉笛韻悠揚。淒涼鸚鵡堪傷對萋萋
芳草滿眼滄桑夜靜月明濤生天上看來一片昏黃佇
立向茫茫有漁舟杳靄蘆荻青蒼把酒中流當年顧曲
想周郎。

疎影

閨情

王翊

新寒剪剪許畫樓小憇呵暈催倦手控高簾日閱長雲
歸帆未有風便鳥飛不到吳天遠嗟冷落輕塵羅薦寂
嫌他青鏡關心朝夕窺人愁面。尤恠睂情變綠兩蛾
小鬪處難穩金鈿繁緒如絲暗織黃昏除是燈花曾見
蛩聲誰肯離秋月閒喚起一庭清怨待聽闌獨宿空房
枕繡淚紅雙線。

梅影

吳全融

瓊枝比美想臘寒就煖春信誰是莫道孤標掩映橫斜

同心一種相倚。晨光浮動清香外。向細細風前。差擬爲
攀條遠寄閒情。洗盡鉛華如此。常照宮亭粉壁。壽陽
夢乍醒。空覓花底淺。襯羅衫。繡出輕盈。驚看幾回疑似。
愁他和月人偷摘。漸避入。画欄朱戶。挿膽瓶。銀燭移來。
未許笛聲吹起。

蝶影

離形撻末。愛倚風玉樹。依傍猶怯。魂黯香消。兩翅雙雙
悠悠颺颺。輕潑。相隨夢到東園裏。敢獨自盤旋。週折。借
鳳車。遨戲芳林。那管墮花飄葉。學舞枝頭檐下。游絲
挽不住。春陰纔霎。却卸簾前。掠過紗窗。髮髯翩翩。便捷
閒尋引去。苔茵側。幾錯認。墨花裙褶。怨綺紈。遮撲無情。
怕上扇痕兜搭。

前題

戴王旭

好風如織。趁纖纖翅薄。穿來寂寂。閃去珠簾。又轉花房。
欲傍柔條無力。幡兒斜。蠹鈴兒密。遮不住。春晴消息。恁
多情。愛惜流光。生怕暗中消歇。香閨畫閒線帖。問疎
枝上下。飛度。看曉待繡。榴裙擬画水。紈爭奈。取青嬾白。
欄杆十二空凭。遍墜輕粉。依稀難識。再逢他。雨過西園。
覷破綠陰微闕。

梅次姜石帚韻

周 質

空簾透玉揭瑩霜紙帳孤客棲宿幾縷微香何處飛來
知隔小溪叢竹銀蟾映處橫斜好掛翠羽枝南枝北
澹露痕倍作淒清生性最宜幽獨春色朝來乍到粉雲
仙人姑射肌膚淨夢不斷幃圍屏曲儘吞嗟嬌日搖風
苦了鮑家詩幅

黃梅花

沈季友

好花知否有點酥凝螭朶朶如繡嬌影臨風密蓓初圓
恰似磬兒啣口籠籠半剪檀痕在渾占盡小樓前後絕
勝他雪蘂冰條贏得翠雛清瘦偏稱鏤金簪首與乳
鴉宮額杏子衫袖螺合盛來零亂繁英細把銀絲雙紐
天寒日晚誰堪寄料難到玉鬟人手向天涯拘得輕黃
一點暗香春透

和秋錦味秋柳韻

高騫

橫江鷁首算青青曾幾搖落今驟黃映寒原玉露離離
空懷一片煙埃玲瓏葉底輕蟬翼藏不到雁風吹候尙
誰家小婦明粧出向画樓垂手飄泊吳儂如樹相看
無一語裂帛湖口逕轉斜陽滿目銷魂遠悵草門非舊
淒涼更挂梢頭月照冷夢頻回吟牖認幾條遠影紛紛
未數短籬花瘦

惜餘春慢

次家補臣北上不果原韻

王倩

白眼摧殘黃金散盡壯志頻吹劍首。梨花夢裏柳絮風前。誰向天涯旅候。猶憶南山敝廬。春水魚肥。秋風菊瘦。肯青鞋踏遍燕山夜月。幾重雲岫。還自笑賣賦長門。征塵撲面。爭把一經橫負。漫愁黑髮。且讀丹經。絕勝華陰騎狗。况復宗風轉清江左。吾家當年耆舊。看從前燕子飛回。砌下春生茸母。

沁園春

賦得名士悅傾城

徐嘉炎

寫恨緣情。憔悴支離。看碧成朱。記白雪窺臣。墻頭宋玉。黃金買賦。壚畔相如。嶺外朝雲。江濱桃葉。一曲思歸。綠珠。陳王賦。悵神光離合。微步山隅。鍾情我輩。何殊。豈相望。慙時相遇。疎。奈紫玉愁多。漫尋韓重。小喬命薄。空嫁周瑜。態減清狂。名辭薄倖。無語傷神。感逝餘風流。盡是清商子夜。楚舞吳歎。

吳興休文石

孟士楷

一片淒迷。三尺玲瓏。荒郊夕陽。問風流何處。六朝佳麗。支離猶在。八詠家鄉。石豈能言。我來弔古。沾取身程。醉幾場。徘徊久。見行間可認。尙記蕭梁。曾經絲雨。繁霜。

便瘦盡。苦膚似沈郎。嘆風清月白，亂縈溪水，藤纏蘚蝕。
只伴啼螿事已星沉。君仍鵲時。蔓草寒煙，黯欲傷。休回
首，怕蘋洲蓼岸也共悲涼。

寄徐初鄰金陵

查嗣璉

鐵鎖銷沉，江勢東來直下金焦。想笛簫賽，婆官風流舊步。
鼓迎龍戶，寂寞廻潮。啼煞棲鴉，滴闌畫漏，昨夢回頭覆
鹿蕉。興亡恨，最傷心兩字，怕說南朝。水亭閒話無聊。
但春去春來，急景消。歎廢寢墻垣，棠花漠漠，故家門第。
燕羝飄飄。欲去誰留，欲歌誰拍。細馬初過，皂笊橋。無人
管，拚酒邊歸路，風墮鞭梢。

摸魚兒

蘆花

曹寅

繞汀洲。冥濛晴靄，飄來剪剪殘蠟。盈巔那計，青天恨，明
鏡依然雙夾。低昂霎疑直，似濃霜冷，淬芙蓉匣。重池百
衲量幾許，春溫搓綿擘絮，眠煞小花鴨。秋江夢猶憶
藤蘿月匝。怒潮萬馬騰踏。長風盡卸，昆陽甲，難禁鸛鵝
嘈雜。寒雲壓。到此日離披，一片銀貂插。蒲帆颯沓，除冰
褪魚鱗，綠抽鶯嘴，方許載烏榼。

又

程麟德

記年時圓沙淺水，芳洲一抹煙黛。荻芽煖，爆鸚哥嘴，條

爾青天碧海。風正大。待刮到重陽。幾日人如艾。霜蒙髮
改。更落泪傷心。斷踪殘迹。吹去楚天外。如花也似雪
非花。密灑漁人醉。笠初解。昨來帆艣。凌波渡。千點浪頭
同拜。心更駭。便認是細節。璧月鋪銀界。酒壚夜買笑。煖
被溫衣。幾回相聚。柳絮恁無賴。

過半完圖作呈外父

李符

掩重關。綠陰深窈。鶯聲都在高柳。蘭楸添築。松廊小。難
認舊時窗牖。槐雨驟。悵買棹偏遲。已是春歸候。梅圓似
豆。早屏錦無香。砌苔如洗。閒煞埽花帚。茅堂靜坐對
藥奩。茶臼。客來便瀉紅友。橫山鈿朶飛蒼靄。直到邏村
溪口。逋翁後。算人境詩仙。只有水清叟。漁蓑織就。肯相
借。門前風潭百頃。一放釣絲否。

題沈南疑紫茜村莊圖

小村莊。香茆葢屋。冷筠萬箇。搖翠柳絲。榆莢紛無數。更
護迴闌幽砌。芳草地。剩仙令。當年老鶴眠樹底。窗南竹
几。對花架紅深。茶煙青裊。籬曲短門閉。黃塵道忽慢
相逢。燕市倦游。苦憶鄉里。鼠鬚付與雲林叟。寫出清幽
如此。圖畫裏。須認取雙橋。薛柱流暗水。他時艇子。好艤
浦。尋詩隔溪。喚酒共枕綠蓑睡。

寄龔蘅圃次沈覃九韻

周貧

隱冥濛一螺天半。峒巖猶返寒曉。輕輿小騎行來遠。磴道曲穿叢篠。翹玩好。那更是白雲青靄群峰繞。蟠江望杳。駭風捲危瀾。蘆翻斷岸。千里迅飛棹。憑幽興細撥。泉枯石老。松邊倦倚斜照。向禽五嶽追游事。婚嫁幾時能了。蘿屋埽。共點筆留將他日看重到。山靈爲笑。怎謝傳來登藕門坐嘯都上郭熙稿。

餞梅

魏坤

隔窗紗幾聲羌管。愁心暗碎瓊圃。夜殘夢斷羅浮月。紙帳峭寒人妬。縈別緒。是歲晚相依曉趁輕風去。銷凝甚處。待硯滌紅絲。毫飛秀色東閣砌愁句。家林近雪後纔添半樹。亭亭素手延佇。從今寂寞煙村裏。瘦影橫斜幾許。催燕語。等一片春泥綠茵埋香路。萍根且住。盼密葉墻陰青丸如豆。枝上喚鳩雨。

秋暮

孫致彌

挂蒲帆鯉魚風弱。吳淞江上秋暝。潮迴沙尾圓紋沒。點蘋花如鏡。相掩映。倩荻雪菰雲譜出寒波淨。眠鷗乍醒。漸牧笛橫煙釣船吹火。月黑雁無影。尊鱸興。一片西風誰省。年年長負清景。松醪半凍頗黎色。不敵晚來愁凝。天水迴。待倚醉高歌小海無人應。茫茫溟滓。怕驚起蛟龍中宵嘯舞電拂劍花冷。

送雲銘之漢陽

高騫

向春深鴨頭船艤右安門畔同住。筍鞵藤帽重相訪。小閣茶煙朝暮。秋思苦。指似雪蘆花細糝。津亭路。因人又去。悵兩扇書窗半竿吟席。將隔幾行樹。殘年物。拚擋香粳綠醕。家林隨意。延佇。東風一縷沙痕動。還逐晚程行旅。深夜語。恠六槳迎潮。四聽瀟湘雨。閑愁如許。對神女祠雲。郎官湖用。蘭夢轉江渚。

春夜

梅洽

漏沉沉。側身潛聽風狂。門外纔歇。強偎角枕。愁無寐。何事柔情欲絕。衾未熟。空負却一庭花影。三更月。淒涼啼鴉。看蠟淚堆盤。爐煙裊幔。離恨有千疊。驚心處。迴首璧人久闊。音書不到天末。分明西閣春寒夜。席上簫聲。嗚咽。簾暗揭。憶此際。遷延微笑。秋波瞥。酒闌時節。記日出紅簷。香銷翠被。雙腕皓如雪。

六州歌頭

九日臨江樓讌集同觀察家兄 丁焯

江楓散錦。正露白霜稠。攜橘棗。帶萸佩。繫三騶。上層樓。八境誇名勝。憑章水。通梅嶺。記昔日。看山老。此曾遊。誰念荒臺寂寞。看詞賦。尙識風流。嘆登臨我輩。今古幾人留。身世悠悠。等虛舟。縱浮名好。輸在手。有杯酒可。

忘憂兼檻外山似繪翠凝眸。愛沙鷗點點來蘋渚相近
舞勸航籌。康樂醉饒逸興譜清謳。喚起商飈瑟瑟多情
情帽肯戀吾頭。笑問筵上客瘦比菊花秋。因甚閒愁。

小諾臯

長干塔

曹寅

馬度金川江沉鐵鎖舊事伽藍誰記。問忉忉相輪風轉
寒鈴譯語。九級支撐佛骨一段摩娑。鮎背想登臨昔日
吳山破碎。便是銅仙也流鉛水。况浪蕩長干故里。生小
識他名字。琉璃塔古無比。馴象馱來降龍飛去。究竟
何勞彈指。白毫光觀空不厭玲瓏如是。排遍犬牙雁齒
幻作驚天拔地。漫怒號七十二門雷雨。且受旃檀勤施
果米。放臘八紅燈萬藥。任蠢動傾城羅綺。齊膜拜碧煙
底。

稍遍

紀遊

王暉

鳥語驚閨樹影橫窗。知是天初霽。整苾鞦袖一卷奇書
趁晴和。尋春遊戲。問東風春光逗留何處。東風似向郊
原指。看繡陌鋪青芳隄垂綠。落霞紅映如綺。更蝶啣花
瓣惹遊絲。遶徑有餘香拂人衣。闢莽援泉。拾級登峰。塔
然倦矣。試曳杖深林竹陰苔石堪閒憩。清景誰易得。

獨牽情在蘿薜。向石上攤書尙論往昔。古人陪我眞良
契。漸紅日西斜。牧驅犢返。茫茫煙水無際。但放懷嘯味
緩緩歸。已不覺城樓画角吹。挂松梢月兒初起。擎杯邀
取明月對影成三美。興來誰管蜉蝣旦暮。且自頽唐徑
醉。竹牀安臥更何知。笑莊周栩栩多事。

瑤華集卷附一

名家詞話

俞彥曰詞何以名詩餘詩亾然後詞作故曰餘也非詩
亾所以歌味詩者亾也詞亾然後南北曲作非詞亾
所以歌味詞者亾也

詞全以調爲主調全以字之音爲主音有平是多是
不可移者間有可移者是有上去入多可移者間有
必不可移者

古人好詞卽一字未易彈亦未易改子瞻綠水人家
遶別本遶作曉爲古今詞話所賞愚謂遶字雖平然

是實境曉字無版着試通味全章便見少游斜陽暮
後人妄肆譏評托名山谷淮海集辨之詳矣又有人
親在郴州見石刻是斜陽樹樹字甚佳猶未若暮字
子瞻生平備歷危險而神宗讀其瓊樓玉宇高處不
勝寒曰蘇軾終是愛君此種遭際能令千古豔羨
劉體仁曰詞欲婉轉而忌複不獨不恨古人吾不見與
我見青山多嫵媚爲岳亦齋所誚卽白石之工如露
溼銅鋪與候館吟秋總是一法
詞字字有眼一字輕下不得如味美人足前云微褪
些跟過云不覺微尖點拍頻二微字殊草草

詞亦有初盛中晚不以代也牛嶠和凝張泌歐陽炯
韓偓鹿虔扈輩不離唐絕句如唐之初未脫隋調也
然皆小令耳至宋則極盛周張柳康蔚然大家至姜
白石史邦卿則如唐之中而明初比唐晚蓋非不欲
勝前人而中實枵然取給而已於神味處全未夢見
詞起結最難而結尤難於起蓋不欲轉入別調也呼
翠袖爲君舞倩盈盈翠袖搵英雄淚正是一法然又
須結得有不愁明月盡自有夜珠來之妙乃得
中調長調轉換處不欲全脫不欲明黏如画家開闔
之法

重字良不易錯錯與忡忡之類是也然須另出不是上句意乃妙

惟片言而居要乃一篇之警策詞有警句則全首俱動

詞須上脫香奩下不落元曲乃稱作手

竹枝柳枝不可徑律作詞然亦須不似七言絕句又不似子夜歌又不可盡脫本意盤江門外是儂家及曾與美人橋上別俱不可及

長調最難工蕪累與癡重同忌襯字不可少又忌淺熟

霞散綺月沈鈎有勸而無諷其人去賦清平調者不知幾里然是鈎天廣樂氣象

周美成不止不能作情語其體雅正無傷見側出之妙

柳七最尖穎時有俳狎

文長論詩曰如冷水澆背陡然一驚便是興觀群怨應是爲備言借貌一流人說法溫柔敦厚詩教也陡然一驚正是詞中妙境

櫟括體不作可也

賀裳曰詞雖以險麗爲工寔不及本色語之妙

詞雖宜於豔冶亦不可流於穢褻

小詞以含蓄爲佳亦有作決絕語而妙者如韋莊誰家年少足風流妾擬將身嫁與一生休縱被無情棄不能羞之類是也

詞之最醜者爲酸腐爲恠誕爲粗莽然險麗貴矣須泯其鏤劃之痕乃佳

詞家用意極淺然愈翻則愈妙

作險韻者以妥爲貴

作詞不待用事用之妥切則語始有情

毛澤民酒濃春入夢窗破月尋人此晚唐五律佳境

也

蘇子瞻有銅喉鐵板之譏然其浣溪紗春閨日綵索身輕常趁燕紅窗睡重不聞鶯如此風調令十七八女郎歌之豈在曉風殘月之下

蔣捷用騷體作水龍吟招梅魂奇耳固未爲妙

小詞須風流蘊藉作者當知三忌一不可入漁鼓中語言二不可涉演義家腔調三不可像優伶開場時敘述偶類一端卽成俗劣

毛先舒曰詞家刻意俊語濃色此三者皆作者神明然須有淺淡處平處忽著一二乃佳耳

李易安春情清露晨流新桐初引用世說全句渾妙
嘗論詞貴開宕不欲沾滯忽悲忽喜乍遠乍近所爲
妙耳

藝苑卮言云填詞小技尤爲謹嚴夫詞宜可自放而
元美乃云謹嚴知詞故難作作詞亦未易也

彭孫遘曰詞以自然爲宗但自然不從追琢中來便率
易無味

美成詞如十三女子玉豔珠鮮政未可以其軟媚而
少之也

詞人用語助入詞者甚多入豔詞者絕少惟秦少游
悶則和衣擁新奇之甚用則字亦僅見此詞

詞家每以秦七黃九竝稱其實黃不及秦甚遠猶高
之視史劉之視辛雖齊名一時而優劣自不可掩
詞以豔麗爲本色要是體制使然如韓魏公寇萊公
趙忠簡非不冰心鐵骨勲德才望昭映千古而所作
小詞有人遠波空翠柔情不斷如春水夢回鴛帳餘
香嫩等語皆極有情致盡態窮妍乃知廣平梅花政
自無礙豎儒輒以爲恠事耳

近人詩餘雲間獨盛然能作景語不能作情語

董以寧曰嚴給事與僕論詞云近日詩餘好亦似曲僕

謂詞與詩曲界限甚分似曲不可似詩仍復不佳譬
擬六朝文落唐音固卑上侵漢調亦覺僞父

鄒祗謨曰巳丑庚寅間常與文友取唐人尊前花間集
宋人花庵詞選及六十家詞摹倣僻調將遍因爲錯
綜諸家考合音節見短調字數多協而長調不無出
入以是知刻舟記柱非善用趙卒者也

古人由詞而製調故命名多屬本意後人因調而填
詞故賦寄率離原辭

余常與文友論詞謂小調不學花間則當學歐晏秦
黃花間綺琢處於詩爲靡而於詞則如古錦紋理自
有黯然異色歐晏蘊藉秦黃生動一唱三嘆總以不
盡爲佳

阮亭常爲予言詞至雲間幽蘭湘真諸集言內意外
已無遺議柴虎臣所謂華亭腸斷宋玉魂消稱諸妙
合謂欲揣詣斯言論詩未允論詞神到所微短者長
篇不足耳北宋諸家大率如是正如嘉州右丞不能
爲工部之五七排體自足名家

稼軒雄渙雅健自是本色俱從南華冲虚得來
味物固不可不似尤忌刻意太似取形不如取神用
事不若用意

賀黃公云生平不喜集句詩以佳則僅一斑爛衣不
且百補破衲也至詞則尤難神合

王次公云詞曲家非當行本色雖麗語博學無用麗
語而復當行不得不以此事歸之雲間諸子

長調惟南宋諸家才情蹀躞盡態極妍阮亭常云詞
至姜吳蔣史有秦李所未到者正如晚唐絕句以劉
賓客杜紫微爲神詣時出供奉龍標一頭地

詩語入詞詞語入曲善用之卽是出處襲而愈工

王士禛曰絕調不可強擬近張杞有和花間詞一卷雖
不無可採要如安男子遍擬十九首與郊祀饒歌耳
或問花間之妙曰蹙金結繡而無痕跡問草堂之妙
曰采采流水蓬蓬遠春

唐無詞所歌皆詩也宋無曲所歌皆詞也宋諸名家
要皆妙解絲肉精於抑揚抗墜之間故能意在筆先
聲叶字表

張南湖論詞派有二一曰婉約一曰豪放僕謂婉約
以易安爲宗豪放惟幼安稱首二安皆吾濟南人難
乎爲繼矣

或問詩詞詞曲分界予曰無可奈何花落去似曾相
識燕歸來定非香籤詩良辰美景奈何天賞心樂事

誰家院定非草堂詞也

瑶華集卷附二

沈氏詞韻畧

杭州沈謙去矜著

東董韻平上去三聲○平一東二冬通用

東冬卽今詩韻後俱倣此

○仄上一董二腫去一送二宋通用

江講韻平上去三聲○平三江七陽通用○仄上三講

二十二養去三絳二十二漾通用

支紙韻平上去三聲○平四支五微八齊十灰半通用

十灰半如同梅催杯之類

○仄上四紙五尾八薺十賄半去四寘五

味八霽十一隊半通用

十賄半如悔蕾腿餒之類十一隊半如妹碎吠廢之類

魚語韻平上去三聲○平六魚七虞通用○仄上六語

七麌去六御七遇通用

佳蟹韻平上去三聲○平九佳十灰半通用

十灰半如才來開猜

類○仄上九蟹十賄半去九泰十卦半十一隊半通用

十賄半如海宰改采之類十卦半如賣敗戒拜之類十一隊半如代在再賽之類

真軫韻平上去三聲○平十一真十二文十三元半通

用十三元半如魂痕村恩之類○仄上十一軫十二吻十三阮半去

十二震十三問十四願半通用十三阮半如損村穩狼之類十四願半如悶嫩

困襪之類

元阮韻平上去三聲○平十三元半十四寒十五刪一

先通用十三元半如言軒煩翻之類○仄上十三阮半十四旱十五

潛十六銑去十四願半十五翰十六諫十七霰通用十三

阮半如遠蹇晚反之類十四願半如萬縵怨券之類

蕭篠韻平上去三聲○平二蕭三肴四豪通用○仄上

十七篠十八巧十九皓去十八嘯十九效二十號通用

歌哿韻平上去三聲○平五歌獨用○仄上二十哿去

二十一箇通用

麻馬韻平上去三聲○平六麻獨用○仄上二十一馬

去十卦半二十二禡通用十卦半如掛話之類

庚梗韻平上去三聲○平八庚九青十蒸通用○仄上

二十三梗二十四迥去二十四敬二十五徑通用

尤有韻平上去三聲○平十一尤獨用○仄上三十五
有去二十六宥通用

侵寢韻平上去三聲○平十二侵獨用○仄上二十六
寢去二十七沁通用

覃感韻平上去三聲○平十三覃十四鹽十五咸通用
○仄上二十七感二十八琰二十九賺去二十八勘二
十九豔三十陷通用

屋沃韻入聲○仄一屋二沃通用

覺藥韻入聲○仄三覺十藥通用

質陌韻入聲○仄四質十一陌十二錫十三職十四緝

通用

物月韻入聲○仄五物六月七曷八黠九屑十六葉通
用

合洽韻入聲○仄十五合十七洽通用

毛先舒曰先舒按填詞之韻大畧平聲獨押上去通
押然間有三聲通押者如西江月少年心換巢鸞鳳
之類故沈氏於每部韻俱總繞三聲而中又明分平
仄凡十四部至於入聲無與平上去通押之法故後
又別爲五部云又按唐人作詞多從詩韻宋詞亦有
謹守詩韻不旁通者蓋用韻自惡流濫不嫌謹嚴也

併識於此

毛奇齡曰詞本無韻故宋人不製韻任意取押雖與詩韻相通不遠然要是無限度者予友沈子去矜創爲詞韻而家稚黃取刻之雖有功於詞甚明然反失古意假如三十韻中惟尤是獨用若東冬江陽魚虞皆灰支微齊寒刪先蕭肴豪覃鹽咸則皆是通用此雖不知詞者亦曉之何也獨用之外無嫌韻通韻之外更無犯韻則雖不分爲獨爲通而其爲獨爲通者自了也然嘗記舊詞尙有無名氏魚游春水一詞秦樓東風裏輕拂黃金縷通紙於語張仲宗之漁家傲

短夢今宵遠到否荒村四望知何處通語於有者若以平上去三聲通轉例之則支通於魚魚通於尤必以支紙一韻魚語一韻限之未爲無漏也至若真文元之相通而不通於庚青蒸庚青蒸之相通而不通於侵此在詩韻則然若詞則無不通者他不具論祇據阮郎歸一調有洪叔嶼王山樵二作中云晴光開五雲扶春來遠林相呼試看燈何曾一字真今朝第幾程則已該真文元庚青蒸侵有之其在上去則祇據朱希真詞人情薄似秋雲不須計較苦勞心萬事元來有命更逢一朵花新片時歡笑且相親明日陰

晴未定其無不通轉可知而謂真軫一韻庚梗一韻
侵寢一韻是各自爲說也其他歌之與麻未必不通
寒之與鹽未必不轉但爲發端尙俟踵事至如入韻
則洵口揣合方音俚響皆許入押而限以屋沃一韻
覺藥一韻質陌錫職緝一韻物月曷黠屑葉一韻合
洽一韻凡五韻則試以舊詞考之張安國滿江紅詞
有高丘喬木望京華迷南北句則通屋於職晏叔原
春情有飛絮遶香閣意淺愁難答韻險還慵押月在
庭花舊園角則又通覺與藥與合與洽孫光憲謁金
門有云留不得留得也應無益揚州初去日又云却

羨彩鴛三十六孤鸞只一隻則又通質陌錫職於屋
若蘇長公赤壁懷古是念奴嬌調其云千古風流人
物人道是三國周郎赤壁捲作千堆雪雄姿俊發一
樽還酹江月鮮于伯機亦有是調云雙劍于年初合
放出群龍頭角極目春潮闊年年多病如削張于湖
是調有云更無一點風色着我扁舟一葉妙處難與
君說穩泛滄浪空闊萬象爲賓客不知今夕何夕則
是旣通物月與屑與錫又通覺藥與曷與合而又合
通陌職與曷與屑與葉與緝是一入聲而一十七韻
展轉雜通無有定紀至於高賓王霜天曉角之通陌

錫職緝詹天游霓裳序中第一之通月曷職緝王昭
儀滿江紅之通月屑錫職皆屬尋常可無論已且夫
否之音俯向僅見之陳琳賦中凡廣韻切韻集韻諸
書俱無此音若北之音卜則不特從來韻書無是讀
押卽從來字書亦竝無是轉切此吳越間鄉音誤呼
而竟以入韻此何謂也且昔有稱閩人林外題垂虹
橋詞不知誰氏後流傳入宮禁孝宗讀之笑曰鎖與
老押則鎖當讀掃此閩音也及訪之果然向使宋存
定韻則此詞不宜流傳人間而孝宗以同文之主韻
例不遵亦安得反爲曲釋且未聞韻書無此押字書
無此音自上古迄今偶一見之鄉音之林外而公然
讀押嬾爲故事則是詞韻之了無依據而不足推求
亦可驗已况詞盛於宋盛時不作則毋論今不必作
萬一作之而與古未同則揣度之胸多所兀臬從之
者不安而刺之者有間亦何必然

西河洞曉音律爲詞學宗師其推駁宋韻嚴辨出入
至精且晰然以去矜之書爲不必作則又矯枉過其
正矣夫謂音聲比合隨俗調叶雖不知詞者曉之似
也而五方言語各從其鄉不以中州爲準的則彼此
叅錯岷峨濫觴其流將不可止豈非詞學之憂乎去

矜之書蓋重有憂也斥去矜之書而聽之時俗之揣
度譬之因噎而廢食也今立說者宜如何詩盛於唐
而唐人不別爲韻書詞者詩之餘詞盛於宋則處宋
人之後其不必求異於唐亦明已去矜之書本以詞
調曼衍寬其約法使人易遵而自放者尙軼而過之
竊思唐代諸名家所爲排體最富至百十韻者其布
置豈不倍難於詞而未聞有所通借則作者之工拙
妍醜信不繫乎韻之寬與嚴也去矜之論從乎寬西
河之意嚴而其論愈失之寬讀者勿以詞害意而一
奉休文之韻爲宗則兩家之說可息矣附筆於此以

俟高明論定焉陽羨後學蔣景祁

詞韻學





